

詩經四家異文考

詩經四家異文攷卷之三

福州陳喬樞學

小雅鹿鳴之什

〔案〕禮記學記云宵雅肄三官其始也鄭君注云宵之言小也習小雅之三謂鹿鳴四牡皇皇者華也然則宵雅亦小雅之異文矣

坎坎鹿鳴○〔玉篇〕口部詩云呦呦鹿鳴呦亦作坎

〔案〕說文呦鹿聲也或作坎集韻云坎或省作坎

食野之萍○〔藝文類聚〕九十五詩曰呦呦鹿鳴食野之萍

〔案〕毛傳萍萍也釋文云萍本又作萍攷玉篇萍字同

萍集韻萍與華同是華萍古相通假

吹笙鼓篳○百帖六十二詩曰吹笙鼓篳

案詩作吹笙鼓篳此引作篳字聲之誤也

賓我周行○毛詩箋示當作賓賓置也周行周之列位也

案釋文云示毛如字鄭作賓行毛如字鄭胡郎反正

義云示賓聲相近故誤爲示也詳見鄭箋改字說

示民不佻○毛詩箋視古示字也正義曰昭十年左傳引

此詩服虔亦云示民不愉薄是也

案左傳引詩視民不佻正義云視如字詩作示賈所

云詩蓋三家今文也詳見鄭箋改字說

示民不偷○張衡東京賦示民不偷

案平子所據魯詩之文也毛傳桃愉也正義引定本
愉字作偷桃偷古今之異說詳魯詩攷

視民不佻○說文人部佻偷也从人兆聲詩曰視民不佻

案玉篇人部引詩文同毛詩桃字乃佻之以借耳

君子是則是效○左氏昭七年傳詩曰君子是則是效

蔡邕郭有道碑是則是效

案徐幹中論及家語正論解引詩倣並作效

嘉賓式讌以樂○列女傳二詩曰我有旨酒嘉賓式讌以

樂

案趙坦以此爲三家之異文喬樅謂此詩徐幹中論引亦作以敖是三家文與毛同下章云以燕樂嘉賓之心此章若作嘉賓式讌以樂則兩章詞復矣疑子政本引南有嘉魚之詩故云言尊賢也我有旨酒當作君子有酒轉寫者誤耳

嘉賓式宴以敖○徐幹中論藝紀篇詩曰我有旨酒嘉賓式宴以及此禮樂之所貴也

案文選注二十引毛詩式燕亦作宴字

和樂且耽○毛詩釋文湛字又作耽

案湛者湛之古文假借字說文湛樂也湛與耽同見

廣韻耽字亦妣之假借釋詁妣樂也妣媼字同

四壯

駟牡駢駢○儀禮既夕禮賈疏詩曰駟牡駢駢

周道委遲○毛詩釋文倭本作委

案顧廣圻云干旄正義引異義周道委遲十行本如此今本誤倭此不然也說文人部倭順也从人委聲詩曰周道倭遲許所傳詩毛氏古文也異義引詩亦傳毛說當作倭字爲正

周道倭夷○毛詩釋文倭遲韓詩作倭夷

文選注十八韓詩曰周道倭夷

稽康琴賦

周道威夷○文選注十韓詩曰周道威夷薛君曰威夷險

也潘岳西征賦

案文選注二十金谷集詩又廿一秋胡詩又五十六陸倕石闕銘

引韓詩文同又卷十一孫綽天台山賦云路威夷而修通注引韓詩曰道威夷者也惟琴賦注引韓詩作倭夷疑轉寫之誤稽康賦云臨迴江之威夷注引韓詩以證威夷二字尤不當作倭此與卷廿七顏延年北使洛詩威遲良馬頰注引韓詩作周道倭遲其為轉寫致誤並同也毛詩釋文載韓詩作倭夷倭字疑亦涉上文毛詩而誤說詳韓詩攷

周道郁夷○漢書地理志詩周道郁夷

案班志右扶風郁夷下引詩如此師古注云小雅四牡之詩曰周道倬遲韓詩作郁夷韓字是齊之韻地理志皆據齊詩如引齊詩子之營兮及自杜沮漆其明證也說詳齊詩攷

周道逶遲○藝文類聚五十二毛詩曰周道逶遲

案文選五十七謝莊宋宣貴妃誄白帖三十五太平御覽一百九十五又七百七十七引詩並作逶遲

𤝵𤝵駱馬○說文𠂔部𤝵馬病也从𠂔多聲詩曰𤝵𤝵駱馬

〔案〕說文口部𠵽下云喘息也引詩𠵽𠵽駱馬爲證此
許君兼採毛氏及三家今文也玉篇疒部𠵽下引詩
同九經字樣云𠵽馬病也今詩作𠵽說詳魯詩攷
𠵽𠵽駱馬○〔漢書敘傳集注〕詩曰𠵽𠵽駱馬

〔案〕常武詩王旅𠵽𠵽班固敘傳作王師𠵽𠵽則𠵽𠵽
卽𠵽𠵽之異文師古集注蓋襲用舊注之語

不皇啓處○〔左氏襄廿九年傳〕詩云王事靡盬不皇啓處
正義曰釋言云皇暇也李巡曰皇閒暇也

〔案〕此據唐石經及宋清化本也今左傳本仍作遐字
攷爾雅釋文倽音皇不遑或作倽通作皇是爾雅倽

暇本亦有作皇者故左傳正義所以釋言及卒巡注
皆爲皇字

不惶啓處○爾雅釋言惶暇也郭璞注詩曰不惶啓處
翩翩者佳○毛詩釋文離本又作佳

案左傳昭十九年正義引正作佳字爾雅佳其鳩鵲
釋文云佳如字旁或加鳥非也段玉裁曰釋文誤也
說文鳥部離祝鳩也从鳥佳聲祝鳩卽爾雅離其鳩
鵲之鳥

說文繫傳佳部錯曰佳鳥名也詩曰翩翩者佳佳爲鳥
短尾亦總名也

駕彼駟牡。○〔文選注廿三阮嗣宗詠懷詩〕毛詩曰駕彼駟牡載驟

駉駉

載驟駉駉。○〔說文馬部〕駉馬行疾也从馬侵省聲詩曰載

驟駉駉

將母來諭。○〔毛詩釋文〕諭音審毛念也鄭告也

〔案〕正義引左傳辛伯諭周桓公是以言告周桓公此

詩是用作歌將母來諭猶君子作歌維以告哀也

皇皇者華

於彼原隰。○〔儀禮鄉飲酒賈疏〕詩曰皇皇者華於彼原隰

〔案〕毛詩於作于

莘莘征夫○韓詩外傳七詩曰莘莘征夫每懷靡及

案此據王氏詩攷所載也今本外傳引詩作征夫捷捷每懷靡及則在大雅蒸民矣今本誤也

列女傳二周詩曰莘莘征夫每懷靡及

案說苑奉使篇引詩同又國語晉語四及說文引詩並作莘莘文與毛詩駢駢異

旻旻征夫○楚詞注九旻旻行聲也詩曰旻旻征夫

案玉篇人部旻下云往來旻旻行聲詩曰旻旻征夫也與叔師引詩文同皆據魯詩也廣韻十九臻旻字引詩亦作旻旻蓋卽本於玉篇

我馬唯驕○說文馬部馬高六尺爲驕从馬喬聲詩曰我馬唯驕一曰野馬

案毛詩釋文維駒音俱本亦作驕段玉裁曰驕與駒字迥別此詩與株林漢廣皆當作驕而俗人多改作駒者以駒與雙株濡誼爲韻驕則非韻抑知驕其本字首在二部於四部合韻豈必易字就韻而非義乎據說文可以訂詩謬字

周爰諮諏○毛詩釋文咨本亦作諮

案說文繫傳諏下錯引詩曰周爰諮諏作諮字我馬唯騏○淮南脩務訓詩云我馬唯騏六轡如絲

六轡若絲○墨子尚同篇詩曰六轡若絲

周爰諮謨○淮南脩務訓詩云載馳載驅周爰諮謨

案此魯詩之文也毛詩作咨謀謀謨一聲之轉尚書謨明弼諧史記夏本紀作謀明爾雅釋詁謨謀也

常棣

夫移之華萼不煒煒○韓詩序曰夫移燕兄弟也閔管蔡之失道也夫移之華萼不煒煒凡今之人莫如兄弟

案藝文類聚八十九引韓詩與呂氏讀詩記所載文同攷爾雅釋木唐棣移郭注云江東呼夫移文選甘泉賦注引爾雅正作棠棣移煒煒蓋韓韓之假借

棠棣之華萼不韡韡○蔡邕姜伯淮碑有棠棣之華萼韡之度又彈基賦萼不韡韡

說文華部韡韡盛也从華章聲詩曰萼不韡韡

案叔重引詩與伯喈合皆據魯詩也毛詩棠作常萼作鄂藝文類聚廿一文選注五十七引詩並作棠棣之華萼不韡韡又初學記十七文選注廿五太平御覽四百十六五百十四亦引作棠棣又宋書謝靈運傳注白帖十九文選注十九亦引作萼不惟文選注廿五太平御覽四百十六五百十四引詩韡韡作韡韡疑韡字卽韡字之譌

萼不鞬鞬○說文繫傳萼華盛从艸不聲錯以爲慎意以
此爲棠棣之華萼若鞬鞬之若也

鄂跗鞬鞬○毛詩箋不當作跗跗鄂是也古聲不跗同

案陸本鄭箋作鄂拊釋文云拊字亦作跗戴震曰鄂
不今字爲萼跗國語韎韝之跗注雜問志作不注此
跗通用不之明證詳見鄭箋改字說

死喪之威○晉書夏侯湛昆弟誥死喪之威兄弟孔懷

案傅咸集奏彈司隸荀愷文亦作死喪之威兄弟孔
懷白帖十九引詩戚字作感皆與毛詩字異蓋據三

家詩之文

原隰捋矣。○爾雅釋詁捋聚也。郭注詩曰原隰捋矣。

說文手部捋引聚也从手孚聲。詩曰原隰捋矣。繫傳本

案爾雅釋文哀古作裏下同。字本或作捋。喬樞謂作捋者是也。景純襲舊注魯詩之文與說文脗。詩合玉篇捋下引說文作引聚也。詩曰原隰捋矣。捋亦作裏。

原隰裏矣。○太平御覽五百十四詩曰原隰裏矣。

卽令在原。○爾雅釋文脊亦作卽。又作鴝。皆同。令本亦作鴝同。

鴝鴝在原。○左氏昭七年傳詩曰鴝鴝在原。兄弟急難。鴝鴝在原。○初學記十七。毛詩曰鴝鴝在原。

案文選注四十七白帖六又十九太平御覽五十七
又五百十四又九百廿五引詩並作鵲鵲

兄也承嘆○毛詩釋文况或兄非也

案唐石經初刻作况後改兄段玉裁曰此與桑柔召
閔及今文尚書毋兄曰則兄曰正同作兄是作况非
兄弟闕于膚○毛詩釋文牆本亦作膚

兄弟闕牆○漢書七十九注鄧展曰赫音兄弟闕牆之闕
外禦其務○毛詩正義定本經御作禦訓爲禁崔集注亦
然俗本以傳爲御禦爾雅無訓俗本誤也

案今毛詩作禦從定本也段玉裁曰毛詩御禦務侮

也本國語爾雅各本誤衍箋云非也定本改御禦爲
禦禁不知御禁見於谷風矣正義疑爾雅有禦禁而
無御禁不知御禦禁三字互訓也

外禦其侮○爾雅釋詁務侮也郭注詩曰外禦其侮
左氏僖二十四年傳詩曰兄弟鬩于牆外禦其侮

聚國語周語引周文公之詩曰外禦其侮又白帖十
九太平御覽五百十四引詩並同毛詩釋文云其務
如字讀者又音侮此從左傳及國語之文

賓爾籩豆飲酒之饌○文選魏都賦張載注韓詩曰賓爾
籩豆飲酒之饌能者飲不能者已謂之饌

案毛詩實作飮餽作飮又餽亦通作醢說詳韓詩攷
飲酒之餽○說文食部餽燕食也从食其聲詩曰飲酒之
餽

案據說文則餽爲正字飮乃餽之消文飮又通作餽
和樂且藹○毛詩釋文藹亦作藹

和樂且耽○毛詩釋文湛又作耽韓詩云樂之甚也

案湛者媼字之段借耽者耽字之段借眾經音義四
媼古文耽同是耽乃媼之或體

韓詩外傳八詩云兄弟既翕和樂且耽

禮記中庸詩云和樂且耽

和樂且沈○楚詞注九詩曰和樂且沈

案沈毛詩作湛宋玉招魂云娛酒不廢沈日夜些注
引詩和樂且沈所以證明沈字今本楚詞注依毛詩
改沈爲湛失叔師之旨

宜爾家室○詩經考文古本作宜爾家室

案毛詩小字本相臺本並作家室唐石經作家室阮
氏校勘記曰作家室者是也以家帑圖平爲韻禮記
引詩作家室詩正義亦云然後宜汝之室家可證也

樂爾妻孥○孟子注二孥妻子也詩曰樂爾妻孥

案毛詩作妻帑釋文云帑依字吐蕩反經典通爲妻

拏字今讀音奴句子也據此則帑字乃古文之段借
禮記中庸詩云宜爾室家樂爾妻孥

案禮記釋文云帑本又作孥

樂爾妻奴○周禮司厲賈疏詩曰樂爾妻奴奴卽子也

伐木

鷺其鳴矣○文選注廿四毛詩曰鷺其鳴矣張茂先荅何劭詩

案毛詩本作嚶乃鷺之段借字三家今文有作鷺者

如張平子東京賦唯鳩麗黃關關嚶嚶是魯詩今文
爲鷺其鳴矣故平子以麗黃言之梁元帝賦云聞鷺
鳴而求友正用此詩字亦作鷺皆據三家詩也

伐木所所○說文斤部所伐木聲也从斤戶聲詩曰伐木所所

伐木澣澣○顏氏家訓書證篇詩曰伐木澣澣澣澣杝貌
案初學記廿六及後漢書朱穆傳注引詩並作澣澣
唐石經原刻作澣澣

醕酒有醕○玉篇艸部醕酒之美也詩云醕酒有醕亦作醕
又酉部醕美貌亦作醕

案醕毛詩作蕝玉篇所云醕亦作醕是據三家詩文
有酒醕我○毛詩釋文滑本亦作醕

案滑醕古今文之異說文滑醕酒也玉篇醕美酒也

無酒沽我○皇侃論語義疏詩曰無酒沽我
篇

案沽毛詩作酤箋云酤買也鄭卽讀酤爲沽字

鞀鞀鼓我○說文父部鞀絲舞也从父从章樂有章也
聲詩曰鞀鞀鼓我

案毛詩作坎坎釋文云坎如字說文作鞀音同云舞
曲也與今說文本微異

樽樽舞我○毛詩釋文蹲七句反本或作樽同說文云士
舞也从士尊

爾雅釋訓坎坎樽樽喜也舍人注樽樽舞貌
說文士部樽士舞也从士尊聲詩樽樽舞我

案爾雅釋文亦引說文云塏士舞也宜從士尊本或作蹲同然則毛詩作蹲乃古文段借字又玉篇士部塏下引詩與說文同後漢書四十三注引詩亦作塏天保

俾爾亶厚胡福不除○潛夫論慎微篇詩曰俾爾亶厚胡福不除

案毛詩釋文單厚毛都但反云信也厚也鄭音丹盡也毛訓單厚爲信厚是亦讀單爲亶矣胡毛詩作何

爾雅釋詁亶厚也某氏注詩曰俾爾亶厚

正義

案某氏引詩作亶厚與潛夫論合又風俗通義七云

俾爾亶厚皆據魯詩之文

如邱如陵○唐石經原刻作如邱如陵

案今詩作如岡如陵從唐石經後改之文也

吉圭惟饔○周禮蜡氏注蠲讀吉圭惟饔之圭圭潔也

案毛詩吉蠲惟饔傳云蠲絜也蠲乃圭之段借惠棟曰呂覽云臨飲食必蠲絜高誘注蠲讀爲圭蓋三家詩作吉圭惟饔故高讀從之說詳魯詩攷

吉圭爲饔○儀禮士虞禮注吉絜也詩曰吉圭爲饔

絜蠲爲饔○盧辯大戴禮注詩曰絜蠲爲饔諸侯遷廟篇

案周禮蜡氏賈疏引毛詩亦作絜蠲絜字疑吉之誤

禘祠烝嘗○禮記王制鄭注詩小雅曰禘祠烝嘗于公先
王此周四時祭宗廟之名

案毛詩釋文禴本又作禘

禴祭烝嘗○虞翻易注詩曰禴祭烝嘗李氏易傳

禴祀烝嘗○太平御覽五百廿四詩曰禴祀烝嘗

案白帖六十七引詩文同

如月之繩○毛詩釋文恆本亦作絙

白帖一詩如月之絙絙上絃而就盈

案毛詩正義云集注定本絙字作恆是正義本作絙
字說文二部恆常也从心从舟在二之間上下一心

以舟施恆也。𣦵古文恆。从月。詩曰：如月之恆。然則恆爲正字。綰綰又恆之通假耳。

采微

𣦵亦暮止。○毛詩釋文：莫或作暮。

案太平御覽七百九十九引詩作暮。正義云：集注定本暮作莫。古字通用也。

獫狁之故。○毛詩釋文：獫本或作獫狁。本亦作允。

漢書匈奴傳：詩曰：靡室靡家，獫狁之故。

微亦柔止。○廣韻廿三問：詩曰：微亦柔止。

靡所歸騁。○毛詩釋文：靡使如字。本又作靡所。

彼蒹惟何○〔毛詩釋文〕爾乃禮反說文作蒹

〔說文艸部〕蒹華盛貌从艸爾聲詩曰彼蒹惟何

〔案〕此許氏採三家今文也毛詩作爾字古文之消借
我行不蒹○〔爾雅釋訓〕不蒹不來也

〔案〕爾雅釋文云不蒹宜從來今作俟字先大夫左海
經辨曰說文來部蒹稱詩曰不蒹不來卽爾雅之文
重文俟云蒹或从彳今譌作俟爾雅此訓卽釋詩我
行不蒹句毛詩作來川本字三家作蒹用借字

小人所芘○〔毛詩箋〕腓當作芘戎役之所芘倚

〔案〕腓芘古以音近假借芘卽庇字

象弭魚箠○周禮司弓矢賈疏詩曰象弭魚箠

案周禮注云箠盛矢器也毛詩服字乃箠之消借豈不曰戒○毛詩釋文曰戒音越又人栗反

案阮氏校勘記云唐石經初刻作曰後改曰作曰非也喬樞謂毛詩或作曰三家實作曰字漢書匈奴傳引此詩豈不曰戒師古注云豈不曰曰相警戒乎以曰曰釋曰字是其顯證

豈不曰誠○眾經音義六詩曰豈不曰誠言誠備也
獫狁孔棘○漢書匈奴傳詩曰豈不曰戒獫狁孔棘
行道遲遲○唐石經作行道遲遲

載渴載饑 莫之我哀○鹽鐵論備胡篇詩云行道遲遲
載渴載饑我心傷悲莫之我哀

案毛詩饑作飢之作知與桓寬引詩文異

出車

我出我輿○荀子大略篇詩曰我出我輿于彼牧矣

案荀子及史記匈奴傳引詩出車皆爲出輿是魯詩

文與毛異

僕夫况悴 僕夫况萃○毛詩釋文瘁似醉反本亦作萃

依注作悴音同

案箋云御夫則茲益憔悴知鄭氏本作况悴

王命南中。○漢書古今人表南中列上之下次周宣王世

案南中毛詩作南仲中仲古文通用

出與彭彭。○史記匈奴傳詩曰出與彭彭城彼朔方

旂旐英英。○毛詩釋文央本亦作英同於京反又於良反

案毛傳訓央央爲鮮明是以央字爲英之消借

獫狁于攘。○毛詩釋文襄如字本或作攘如羊反

漢書敘傳於惟帝興戎夷猶夏周宣攘之亦列風雅

獫狁于攘。○潛夫論救邊篇獫狁于攘非貪土也以振民

育德安疆字也

案據漢書及潛夫論引詩並作攘字是三家今文同

又舊唐書陸贄傳及本集引詩亦作攘

鷓鴣喈喈○文選宋玉賦鷓鴣喈喈注毛詩曰鷓鴣喈喈

若庚喈喈○文選注廿九詩曰若庚喈喈

王綱雜詩

案王正長詩往昔鷓鴣鳴正用此詩語毛詩倉庚卽

鷓鴣之古文消借字蒼倉古多通用

執訊獲首○隸釋潘乾校官碑執訊獲首

案毛詩作獲醜傳云醜眾也此云執訊獲首乃殲厥

渠魁之意疑爲三家詩之異文

秋杜

有皖其實○毛詩釋文皖字從皖或作目邊

案孔氏正義本作睨與陸本異

檀車縵縵○毛詩釋文○輶尺善反又勅丹反做貌說文云
車做也从巾單韓詩作縵音同

案廣雅縵縵緩也陳啓源云玉海載釋文云韓詩作
檀車縵縵音同恐誤段玉裁曰按說文古本當是輶
輶巾弊貌故字从巾詩以爲車弊者引巾之義也釋
文引說文巾弊也从巾單今本乃巾譌車殊失陸意
檀車輶輶○後漢書劉陶傳注詩曰檀車輶輶

案說文縵偏緩也輶帶緩也禮記樂記其聲輶以緩
王褒洞簫賦輶輶逸豫戒其失李善注輶吐誕切輶

嘒舒緩之貌則嘒嘒亦得訓緩疑皆三家之異文

魚離○箋禮鄉飲酒鄭注魚離言太平年豐物多也

案儀禮釋文魚離本或作離麀離古書通用

鱣○毛詩釋文鱣字亦作鱣

君子有酒旨且多○毛詩釋文君子有酒旨且多此二句絕句且多字爲

句後章做此異此讀則非

案正義云首章旨且多二章旨多且旨三章旨

且有是孔冲遠讀君子有酒爲句旨且多二字爲句

與陸氏異

物其指矣唯其偕矣○荀子大略篇物其指矣唯其偕矣

案毛詩指作旨唯作維

唯其時矣○荀子不苟篇詩曰物其有矣唯其時矣

案說苑辨物篇引詩文同

小雅南陔之什○〔毛詩序〕南陔孝子相戒以養也

〔毛詩正義〕什首之目孔子所定也本十月之交篇在六月之上則孔子什首南陔爲第二彤弓爲第三鴻鴈爲第四節南山爲第五北山爲第六桑扈爲第七都人士爲第八以下適十篇通及大雅與頌皆其舊也

〔案〕張揖云小雅之材七十四人是闕其亡者以現在爲數故毛與三家均推改什首非孔子之舊也

白華○〔毛詩序〕白華孝子之絜白也

華黍○〔毛詩序〕華黍時和歲豐宜黍稷也

〔案〕鄭君儀禮注云南陔白華華黍小雅篇也今亡其

義未聞鄭君注禮時用三家詩未見毛傳故云其義未聞耳後得毛詩云有其義而亡其辭故詩箋云此三篇者鄉飲酒燕禮用焉曰笙入立于縣中奏南陔白華華黍是也孔子論詩雅頌各得其所時俱在耳篇第當在於此遭戰國及秦之世而亡之其義則與眾篇之義合編故存至毛公爲詁訓傳乃分眾篇之義各置於其篇端云

南有嘉魚

烝然鯽鯽○說文魚部鯽云烝然鯽鯽从魚卓聲

案毛傳單單維也釋文單張教反徐又都學反字林

竹卓反云捕魚器也說文作鯁鯁是據三家今文與毛詩字異

嘉賓式讌以樂○列女傳二詩曰我有旨酒嘉賓式讌以樂言尊賢也

案此所引我有旨酒當是君子有酒之誤鹿鳴詩云我有旨酒嘉賓式讌以敖句法與此同故因而致誤耳毛詩序云南有嘉魚樂與賢也劉中壘云言尊賢也義與毛同讌毛詩作燕

嘉賓式宴以衍○玉篇行部衍樂也詩曰嘉賓式宴以衍甘瓠蘩之○毛詩釋文蘩本亦作藥

翩翩者佳○毛詩釋文離本亦作佳

南山有臺

南山有臺○穆天子傳天子命歌南山有臺郭璞注云詩小雅有南山有臺樂只君子邦家之基

樂旨君子○左氏襄廿四年傳詩云樂旨君子邦家之基杜預注詩小雅言君子樂美其道爲邦家之基又昭十三年傳詩云樂旨君子

案王氏詩攷載左傳昭十三年引詩作樂旨今本仍作樂只臧庸云據唐石經襄廿四年傳作樂旨君子喬樅謂杜注以君子樂美其道釋詩詞則傳引詩文

作樂旨無疑今本乃後人依毛詩改之趙坦又據隸
釋衡方碑云樂旨君子口口无疆卽次章樂只君子

萬壽無疆之吳文是三家詩有作樂旨者矣
樂旨君子萬壽无疆○隸釋衡方碑樂旨君子闕二无疆

案毛詩旨作只无作無

北山有杞○孟子注十一杞木名也詩曰北山有杞

案北山當作南山字之誤也

山庚○毛詩序山庚萬物得由其道也

崇邱○毛詩序崇邱萬物得極其高大也

山儀○毛詩序山儀萬物之生各得其宜也

案毛公云有其義而無其辭鄭箋云此三篇者鄉飲酒燕禮亦用焉曰乃開歌魚鼈笙山庚歌南有嘉魚笙崇邱歌南山有臺笙山儀亦遭世亂而亡之攷鄉君儀禮注言山庚崇邱山儀今亡其義未聞是三家今文缺此三篇也又攷毛詩釋文云此三篇義與南陔同依六月序山庚在南有嘉魚前崇邱在南山有臺前今同在此者以其俱亡使相從耳

蓼蕭

孔燕愷悌○毛詩釋文豈本亦作愷弟本亦作悌

案太平御覽五百十四引詩作愷悌

爲寵爲光○〔毛詩箋〕爲寵爲光言天子恩澤光耀被及己也

〔案〕毛傳寵寵也此以今文釋古文寵者寵之假借字也鄭云爲寵爲光卽用三家詩今文

令德壽凱○〔左傳〕昭十二年注詩曰宜兄宜弟令德壽凱令德壽懌○〔太平御覽〕五百十四詩曰今德壽懌

肇革冲冲○〔五經文字〕肇革冲冲

〔案〕唐石經及小字本闕本明監本毛本並作冲冲惟相臺本作冲冲又肇革段玉裁云說文無肇字有肇字肇轡首銅也从金攸聲石鼓詩田車旣安之下有

鑒勒字疑詩鑒革皆鑒勒之譌革者勒字之省繼音
謂之勒說詳穆詩攷

和鸞雍雍○左傳昭十二年注詩曰和鸞雍雍萬福攸同
案唐石經作雍今毛詩本作雝

百虎通車旂篇詩云和鸞雍雍萬福攸同魯訓曰和設
軾者也鸞設衡者也

案百虎通車旂篇今佚此據續漢書輿服志劉昭注
引又見藝文類聚七十一太平御覽七百七十二
和鸞雍雍○賈子新書容經詩云和鸞雍雍萬福攸同
動以紀度則萬福之所聚也

湛露

惓惓夜飲○毛詩釋文厭厭韓詩作惓惓和悅之貌

文選六魏都賦注韓詩曰惓惓夜飲薛君曰惓惓和悅之貌也

案文選十八琴賦注引韓詩文同攷秦風小戎篇厭厭良人列女傳引亦作惓惓良人厭惓古以聲近通假說詳韓詩攷

厭厭夜飲○爾雅釋訓厭厭安也

說文心部厭安也从心厭聲詩厭厭夜飲

案毛詩作厭厭古文消借字也說文作厭厭與爾雅

同據魯詩今文也

小雅彤弓之什

一朝右之○毛詩釋文右毛音又勸也鄭如字薦右也

一朝酬之○毛詩釋文酬本又作酬

案酬與醕同見玉篇

菁莪

蓁蓁者莪○文選東都賦注韓詩曰蓁蓁者莪薛君曰蓁

蓁盛貌也

萍萍者莪○集韻一先萍草貌萍萍者莪李舟說

案毛詩作菁菁馬瑞辰云說文菁韭華也蓁草盛貌

萍草貌則訓盛貌當以蓁字爲正毛詩作菁菁集韻

作萍萍皆假借字也說詳韓詩攷

六月

戎車既飾○文選注五十二詩曰戎車既飾

四子講德論

案唐石經作飾飾與飭同

獫允孔熾我是用戒○鹽鐵論繇役篇詩云獫允孔熾我是用戒

案毛詩獫允作獫狁戒作急盧文弨云戒當爲械郝

懿行云爾雅釋言械急也械通作戒說詳齊詩攷

我是川棘○謝靈運撰征賦宣王用棘於獫狁

案段玉裁云據謝賦是六朝時詩本有作我是川棘

者釋言幪褊急也釋文云幪本或作恆又作亟詩匪
棘其欲箋棘急也正義曰棘急釋言文禮器引詩匪
革其猶注革急也正義曰革急釋言文素冠傳棘急
也正義曰棘急釋言文彼棘作幪音義同然則幪恆
亟棘革戒六字同音義皆急也此詩作棘作幪皆協
今作急者後人用其義改其字耳

其武之服○毛詩釋文其鄭如字王徐音恭

獫狁匪度○易林未濟之睽獫狁匪度治兵焦穫

案匪度毛詩作匪茹箋云茹度也用今文以申毛義

整居焦護○爾雅釋地周有焦護

案焦護毛詩作焦穫傳云焦穫周地按于猓狁者

識文鳥章○周禮司常疏詩曰識文鳥章箋云識徽識

案太平御覽六百八十引詩亦作識文臧庸云案陸

孔皆作識今本從唐石經作織非

白茝央央○毛詩釋文茝本又作旃繼旃曰茝左傳云蒨

茝是也一曰茝與旃古今字殊

白旃英英○毛詩鄭風正義詩曰白旃英英

帛旃英英○公羊傳宣十二年疏孫氏云帛續旃末亦長

尋詩云帛旃英英是也

案趙坦云公羊疏所引孫氏是爾雅孫叔然注

如轅如軒○文選潘岳射雉賦如轅如軒李善注詩云如
輶如軒輶與轅同

案輶說文作輶別作輶作輶並同

薄伐獫狁至於太原○史記匈奴傳詩人歌之曰薄伐獫
狁至於太原

案漢書韋元成傳衛青傳匈奴傳引詩並作獫狁於
毛詩作于

鹽鐵論繇役篇詩云薄伐獫狁至于太原

張中孝友○漢書古今人表張中列上之下次周宣王世
案毛詩作張仲中仲古字通用

采芑

方叔莅止○毛詩釋文莅本又作涖

案莅涖古書通用正義本作涖詩經考文古本作莅
乘其駟騶騶騶翼翼○詩經考文古本四皆作駟

路車有漚○文選蜀都賦李善注毛萇詩傳曰漚赤貌也
案毛詩有奭說文作奭據李善引毛傳云云是其字
一本作漚也楚詞連龍漚只注云漚赤也

八鸞鎗鎗○毛詩釋文鎗鎗本亦作鎗鎗

案五經文字亦云鎗亦作鎗攷續漢書輿服志劉昭
注引許慎曰詩云八鸞鎗鎗則一馬二鸞也正作鎗

字

朱弗斯皇有創蔥珩○毛詩釋文弗本又作蒞或作紱皆音弗下篇赤弗同創本又作瑳亦作鎗同

案詩經考文云古本瑳作創

朱紉斯皇○百虎通紉冕篇詩云朱紉斯皇

有琇葱衡○韓詩傳曰佩玉上有葱衡下有雙璫衝牙纓珠以納其閒

案周禮玉府注引詩傳賈疏謂是韓詩唐時韓詩尙存語爲可信衡與珩通玉藻注云衡佩玉之衡也

鵙彼飛鵙○取經音義五詩曰鵙彼飛鵙

〔案〕毛詩作隼字鵠者隼之或體也

陳師鞠旅○太平御覽三百三十八詩曰陳師鞠旅

〔案〕毛詩作鞠旅鞠古字通用

伐鼓鼉鼉○霍靈恩集注伐鼓鼉鼉

伐鼓鼉鼉○五經文字伐鼓鼉鼉

〔案〕毛詩作淵淵卽鼉古文之消借鼉从淵省聲

振旅嘒嘒○說文口部嘒盛氣也从口與聲詩曰振旅嘒

嘒

〔案〕玉篇闕下引詩振旅闕闕與毛詩同云闕闕盛貌
或作𡗗又嘒下云盛聲也引詩振旅嘒嘒與說文同

此兼採毛詩及三家之文

振旅輶輶○左思魏都賦振旅輶輶

案李善文選注引蒼頡篇曰輶輶眾車聲也呼萌切
今爲輶字音田輶輶亦三家之異文說詳魯詩攷

螽爾荆蠻○後漢書西南夷傳詩曰螽爾荆蠻大邦爲讎
案文選吳都賦注及通典一百八十七引詩亦作荆
蠻今毛詩本誤倒之

克壯其猷○玉篇士部壯大也詩曰克壯其猷

蔡邕胡公碑方叔克壯其猷

案毛詩猷作猶三家今文皆作猷字

嘽嘽嘽嘽○〔毛詩釋文〕嘽本作嘽同

〔案〕廣韻云噉噉聲也嘽卽噉字之消文

嘽嘽推推○〔漢書韋元成傳〕詩曰嘽嘽推推如霆如雷

〔案〕師古注云推推盛也音他回反攷玉篇推車盛貌

廣韻輶輶車盛貌推推卽輶輶也說詳魯詩攷

如霆如霆○〔廣韻〕六脂霆雷也出韓詩

〔案〕馬瑞辰云毛詩如霆如雷疑韓詩作如霆如霆

征伐獫狁荆蠻來威○〔漢書韋元成傳〕詩曰征伐獫狁荆

蠻來威

〔案〕今毛詩亦誤倒作蠻荆非是毛傳明云荊州之蠻

也韋昭國語亦云荆蠻荊州之蠻說詳魯詩攷

車攻

東有圃草○毛詩釋文甫草毛如字鄭音補謂圃田鄭疏也

案水經注兩引詩皆作東有圃草唐石經初刻作圃後改甫字

百虎通義曰苑囿在東方詩曰東有圃草

案班固西都賦豐圃草以毓獸正用此詩語

楚詞注十六圃野樹也詩曰東有圃草

案舊校云一無樹字徐璈以爲樹宜作楸字之誤也

文選東都賦注韓詩曰東有圃草薛君曰圃博也有博
大茂草也

案後漢書班固傳注馬融傳注並引韓詩及薛君章
句是三家今文皆作圃草鄭君詩箋從三家改毛也
詳見魯詩攷

薄狩于敖○永經注濟水篇濟水又東逕敖山詩所謂薄
狩于敖也

案後漢書安帝紀注引詩文同

薄獸于敖○文選東京賦薄獸于敖薛綜注謂周王狩也
詩曰建旄設旌薄獸于敖

案太平御覽三百四十引詩文同段玉裁云薛注引詩獬獸于敖薄字不誤獸字係俗刻妄改段說是也狩者獵之總名薛注先言周王狩而後引詩以證之則字不當作獸也毛詩當與三家同作薄狩今本作搏獸者唐石經之誤也說詳魯詩攷薄狩于敖○初學記廿二詩曰搏狩于敖

案此引詩狩字不誤搏字當是轉寫之譌

駟牡騶騶○集韻九魚騶下曰說文馬行徐而疾引詩駟牡騶騶

案類篇馬部騶下採說文引詩語同段玉裁曰今詩

無此句小雅車攻大雅韓奕皆云四牡奕奕古音奕之平聲讀弋魚切蓋卽其異文也

赤荳金鳥○毛詩釋文赤荳本又作菹

赤紉金鳥○百虎通紉冕篇詩曰赤紉金鳥會同有繹

夫拾既飲○挾拾既飲○毛詩釋文夫本又作決或作挾挾拾既次○周禮緝人注鄭司農云詩曰挾拾既次詩家說或謂挾謂引弦強也拾謂鞞耳也

案毛傳云飲便利也鄭箋云飲謂手指相次比也是毛作飲鄭改讀作次從今文也詩芄蘭正義文選取京賦及李善注並引作決拾既次

決拾既次○集韻十六屑詩決拾既次或作決通作決
助我舉齒○張衡西京賦收禽舉齒薛綜注齒死禽獸將腐之名也

助我舉𦵿○說文手部𦵿積也从手此聲詩曰助我舉𦵿
聚玉篇𦵿下引詩同此亦三家之異文毛詩作柴柴
𦵿皆齒之假借齒者𦵿字之或體說詳魯詩攷

攸攸旃旌○左傳昭十二年正義詩曰攸攸旃旌
攸攸旃旌○文選注六毛詩曰攸攸旃旌
魏都賦李善注

案毛詩作悠悠攸者悠之省文旃者旌或體

徒御不警○毛詩正義徒行輓輦者與車上御馬者豈不

警戒乎言以相警戒也

案據孔氏正義云云則毛詩本作不驚矣段玉裁曰唐石經誤作不驚今本因之文選陸士衡挽歌詩夙夜警徒御注引毛詩徒御不驚今俗刻作不驚喬樞謂作不驚者是三家詩今文爾雅釋訓云徒御不驚替者也正釋此詩其明證矣

有問無聲○毛詩釋文問本亦作問

允也君子○禮記緇衣小雅曰允也君子展也大成

案允也君子毛詩作允矣

言曰

既伯既禱○說文示部禱禱牲馬祭也从示周聲車文駟
云或从馬壽省聲

既禱既禱○徐鉉說文繫傳詩曰既禱既禱

案說文解字本以此詩句誤入正文王氏詩考據之
謂說文引詩如此段氏玉裁又以繫傳所引句詩無
此語爲疑喬樅案楚金所引自是三家詩吳文周禮
句祝掌表貉之祝號杜子春讀貉爲白書亦或爲禱
足爲伯禱古得通假之證

鹿鹿嘖嘖○說文口部嘖鹿鹿羣口相聚貌从口虞聲詩
曰鹿鹿嘖嘖

案毛詩作麋釋文云麋愚市反說文作𧢲盧文昭云

按今韓奕篇正作麋鹿𧢲𧢲

其麋孔有○毛詩箋邢當作麋麋麋也

爾雅釋獸某氏注詩云瞻彼中原其麋孔有

案此所引詩三家今文也鄭君詩箋即川三家改毛

故與某氏注合說詳魯詩攷

麋麋候候○麋麋候候○毛詩釋文麋本作麋又作麋

駉駉候候○駉駉候候○韓詩曰駉駉候候或駉或友後漢書馬融傳注

傳注京賦注駉君章句曰駉曰駉行曰駉

案據李善文選注引韓詩章句作駉駉則後漢書注

引韓詩當作駘駘駘駘今本作侯侯者誤廣雅儻儻
行也駘駘走也蓋兼載毛韓詩義

伋伋侯侯○說文人部侯大也从人矣聲詩曰伋伋侯侯
案許君所傳詩亦三家之異文與毛韓詩訓義並異
又挾我矢○太平御覽七百四十四詩曰既張我弓又挾
我矢

案毛詩又字作旣

殪此大光○毛詩釋文見本又作光

小雅鴻鴈之什

翩翩其羽○毛詩釋文肅所六反本或作翩同

案廣雅翩翩聲也卽釋此詩之訓集韻云翩或作肅
哀此矜寡○毛詩釋文矜本又作鰥

案正義本作鰥齊詩亦作鰥見漢書肅望之傳集韻
矜通作鰥鰥居凌切寡也照古文鰥大雅不侮矜
寡亦作矜字

哀鳴嗷嗷○毛詩釋文翬本又作嗷五刀反聲也
庭燎

聲鏘鏘○毛詩釋文將將本或作鏘

案藝文類聚八十白帖三十六引詩並作鏘鏘又文

選注二十引詩作鏘鏘鏘鏘

夜未艾○毛詩釋文艾毛五蓋反云久也鄭音刈云艾未

曰艾

庭燎哲哲○毛詩釋文哲本又作晰

鏘鏘噦噦○張衡東京賦鏘鏘噦噦

案鏘毛詩作鏘鏘鏘古字通用

鏘鏘鏘鏘○說文金部鏘車鏘聲也从金戛聲詩曰鏘鏘

鏘鏘

案徐鼎臣曰今俗作鏘以鏘作斧鏘之鏘非是洪順

煊曰文苑英華喬潭賦和鸞鐵鐵字皆卽鐵之譌

徐鼎臣譏之非也

夜耨晨○〔毛詩釋文〕鄉字又作耨

庭燎有輝○〔文選注〕二十毛詩庭燎有輝曹子建責躬詩

〔案〕說文無輝字輝卽輝之或體

河水

鵙彼飛鵙○〔聚經音義〕六詩曰鵙彼飛鵙

鵙彼飛鵙○〔洪适隸釋〕費鳳別碑鵙若飛鴈鵙蓋川歇彼

飛隼若非假借則是傳授異也

民之譌言○〔宋書五行志〕詩云民之譌言甯莫之懲

案毛詩作訛言謫訛通用

鶴鳴

鶴鳴九臯○蔡邕焦君贊鶴鳴九臯

易林師之艮鶴鳴九臯避世隱居

无妄之解鶴鳴九

臯處子失時

它山之石○毛詩釋文它古他字

案今毛詩作他後漢書王符傳注及吳淑事類賦九

引詩竝作它山

佗山之石○尚書正義六詩曰佗山之石

案事類賦七引詩亦作佗字

可以爲厝○淮南說林訓注詩云他山之石可以爲厝

案淮南脩務訓注引詩文同

說文厂部厝厝石也从厂昔聲詩曰他山之石可以爲厝○徐鉉曰今詩借作錯字

案漢書地理志五方雜居集注引晉灼曰厝古錯字

鶴鳴九皋○東方朔荅客難詩曰鶴鳴九皋聲聞于天

論衡藝增篇詩云鶴鳴九皋聲聞于天

風俗通義六詩曰鶴鳴九皋聲聞于天

案史記東方朔傳及論衡風俗通引詩鶴鳴九皋均

無于字錢氏大昕謂白帖文選注初學記所引皆然

唐石經始增十字今觀藝文類聚天文說文繫傳通論及羣經音辨竝同益見古本之如此也

所父○毛詩箋所圻畿同

頤甫○潛夫論班祿篇班祿頤而頤甫刺

案今本頤甫刺譌作頤甫賴頤廣圻云頤甫乃頤甫之誤卽詩所父也喬樞攷隸釋載高陽令楊著碑頤甫班僞洪景伯云詩以圻父作所父此云頤甫蓋又借用碑語正用此詩是三家今文有作頤甫者

圻父予王之爪牙○左傳襄十六年注圻父詩小雅詩人責圻父爲王爪牙不脩其職

靡所底止○毛詩釋文底之履反至也

案唐石經及小字本相臺本作底閭本明監本毛本
底作底段玉裁曰說文广部底山居也从广氏聲广
部底柔石也从广氏聲或作砥按物之下爲底故至
而止之爲底詩靡所底止伊於胡底皆是也爾雅底
止釋文云字宜从广或作底非此陸氏誤也

有母之尸雍○韓詩外傳七詩曰有母之尸雍

案雍毛詩作甕

白駒

所謂伊人○毛詩箋伊當作緊繫猶是也說見前

於焉消搖○後漢書東平憲王傳注詩曰於焉消搖

案消搖毛詩作逍遙

勉爾遐思○毛詩釋文遐字又作遙

案正義本作道詩經考文云古本遙作遐攷潛夫論

過利篇云白駒介推遐于空谷是三家今文作遐字

在彼穹谷○韓詩曰皎皎白駒在彼穹谷薛君章句曰穹

谷深谷也

文選西都賦注

案文選廿八陸機苦寒行注引韓詩文同穹古與空

通周禮韞人爲皋陶穹者三之一注鄭司農云穹讀

爲志無空邪之空是其驗已

無金玉爾音○毛詩釋文毋本亦作無

黃鳥

不可與盟○毛詩箋明當作盟信也

案釋名釋言語云盟明也告其事於神明也則盟本從明爲訓故古文卽借明爲盟字

我行其野

婚姻之故○藝文類聚六詩曰婚姻之故

案白帖九太平御覽五十五又五百四十一引詩昏字並作婚

言采其菹○毛詩釋文遂本作菹

名醫別錄羊蹄一名蓄附隱居注云今人呼爲禿菜卽是蓄音之誤詩云言采其蓄

案易林巽之豫云黃鳥采蓄既嫁不吝卽用此詩文曹植七啓霜葵露蓄李善注云毛詩言采其蓫蓫與蓄音義同

言采其蓄○說文繫傳蓄下錯按詩曰言采其蓄也

案箋云蓄蓄也正義引陸璣疏云蓄一名蓄幽州人謂之燕蓄今據楚金引詩證說文蓄字則是三家異文有作蓄者

不惟舊因○百虎通嫁娶篇姻者婦人因夫而成故曰姻

詩曰不惟舊因謂夫也

案毛詩惟作思因作姻與此文異而義並同

求我新特○詩經考文古本求爾作求我

案箋云求女新外昏特來之女則古本作求我非也
成不以富○毛詩箋女不以禮爲室家成事不足以得富
案臧庸云論語誠不以富邢疏引詩又云彼誠作成
則詩本作成字喬樞謂正義云誠不以是而得富是
孔本作誠字與論語引詩文同詩經考文亦云古本
作成誠

誠不已富亦祇以異○唐石經誠不已富亦祇以異

案小字本和臺本閩本明監本毛本祇俱作祇六經
正誤云作祇誤段玉裁曰祇適也凡此訓唐人皆从
衣从氏作祇俗本作祇非古也以己字同見禮記檀
弓注

斯干

如竹包矣○說文繫傳艸部苞下錯按此艸名詩如竹包
矣當作包不从艸也

無相猶矣○毛詩箋猶當作瘡瘡病也

案正義云角弓曰不令兄弟交相爲瘡猶瘡聲相近
故知爲字誤也詳見鄭箋改字說

已續妣祖。○毛詩箋似讀爲已午之已。已續妣祖者謂已成其宮廟也。

案正義云鄭直讀爲已不云字誤則古者似已字同於穆不已師徒異讀是字同之驗詳見鄭箋改字說以續妣祖。○爾雅釋詁疏詩曰以續妣祖。

案此據建本爾雅疏作以字攷易明夷文王以之箕子以之鄭氏本皆作似是以字與似通廣雅釋言已似也是已似音義同臧庸云元板注疏本亦作以續約之格格。○周禮考工記匠人注詩曰約之格格。

案爾雅釋詁格格舉也卽釋此詩之義毛詩作閣閣

文與三家異

栳之栳栳○毛詩釋文案本或作栳

案廣雅釋訓櫟櫟聲也則毛詩櫟字乃櫟之消借三家今文必有作櫟櫟者栳字亦以音近通假

君子攸攸○毛詩箋字當作攸攸覆也

君子攸攸○周禮大司徒注風雨攸除君子攸攸字

案釋名釋宮室云大屋曰廡廡也攸覆也國語晉語注字覆也攸字義同

君子攸攸○毛詩釋文攸或作攸

案攸攸疑皆字之同音假借字

如企斯翼○玉篇人部企舉踵也詩云如企斯翼

案玉篇又云企古文企毛詩作跂釋文云跂音企

如矢斯柁○毛詩釋文棘居力反韓詩作柁柁隅也

玉篇木部韓詩云如矢斯柁木理也

案馬瑞辰云棘之通柁猶馬勒通作棘水經注棘門
謂之力門也說詳韓詩攷

如鳥斯翔○毛詩釋文革如字韓詩作翔云翔也

案詩攷引作翔今本或作勒勒字乃翔之譌耳說文
云翔翅也正用韓詩義說詳韓詩攷

有聲斯飛○九經字樣聲音輝从軍聲詩曰有聲斯飛

案毛詩有作如盧文昭云說文繫傳引詩亦作有聲
噦噦其溟○詩經考文古本冥作溟

案冥溟古字通用如北溟莊子逍遙遊作北冥是也
乃寢乃興○詩經考文古本寢作寐

其寢維何○說文繫傳宀部寢錯曰寢之言蒙也不明之
貌𡵓者倚著也○屋也臥安則寢多矣豈王考室之詩
曰上莞下簟乃安斯寢其寢維何

案毛詩作古夢維何寢即古文夢字隸省作夢楚金
所據詩蓋三家異文也

惟熊惟羆 惟虺惟蛇○潛夫論夢列篇詩云惟熊惟羆

男子之祥惟虺惟蛇女子之祥

後漢書楊賜傳詩曰惟虺惟蛇女子之祥

案毛詩惟字均作維又藝文類聚九十六引毛詩作惟虺惟蛇續漢書五行志注引詩文同

朱紉斯皇○百虎遺紉翼篇詩云朱紉斯皇案家君王

朱弗斯皇○文選注二十毛詩曰朱弗斯皇曹子建責躬詩

案文選三十一又四十六引詩同作朱弗

朱黻斯皇○文選注十九毛詩曰朱黻斯皇韋孟諷諫詩

案毛詩作朱芾攷說文市鞞也上古衣蔽前而已市以象之天子朱市諸侯赤市大夫繡衡从巾象連帶

之形篆文从韋从及徐鼎臣注以今俗作紱非是韋
弗紉黻皆黻之假借字

載衣之襜○毛詩釋文楊韓詩作襜齊人名小兒彼爲襜
毛詩正義侯包韓詩翼要曰襜示之方也

載衣之襜○說文衣部襜褕也从衣審聲詩曰載衣之襜
案說文所引卽韓詩文也作襜者襜之省文

無父母貽離○毛詩釋文詒本又作貽離本又作離
無羊

三百其羣○百帖九十六詩曰誰謂爾無羊三百其羣

案毛詩作維羣

九十其幪○毛詩釋文幪本文作幪

周禮序官牛人注詩曰九十其幪

此據陸氏釋文本

案幪說文木作幪文省作幪

其角解解○毛詩釋文濺濺本又作解亦作戢

其角戢戢○藝文類聚九十四詩曰其角戢戢

案太平御覽九百二事類賦二十二引竝作戢

或寢或譌○毛詩釋文訛韓詩作譌譌覺也

案眾經音義十二云訛古文譌為訛三形同

荷蓑荷笠○後漢書蔡邕傳注詩曰荷蓑荷笠

案白帖九十六太平御覽七百六十五引何竝作荷

九十維物○穆天子傳注物謂毛色也詩云九十維物

案此疑涉上文九十其情而誤也唐石經作三十維物

室家綦綦○潛夫論夢列篇詩云旒惟旒矣室家綦綦

案毛詩作漆漆蓋綦之同音假借字

小雅節南山之什

維石巖巖○毛詩釋文巖巖木或作嚴

案正義本作嚴今竝從釋文改爲巖字羣經音辨卽部云巖巖高也音嚴詩維石巖巖今从山

非非師尹○孝經釋文赫赫師尹本亦作非

憂心如焚○毛詩釋文憖徒藍反又音炎燔也韓詩作炎字書作焱說文作美字才廉反小藝也

憂心如美○說文火部美小藝也从火艸聲詩曰憂心如美

案如美今說文誤作美美非茲依段氏注改正美从

羊聲說文干部入一爲干入二爲羊羊讀若任今各

書皆譌作天矣說詳韓詩攷

天方薦嗟○說文田部嗟殘歲田也詩曰天方薦嗟

案毛詩嗟作瘥與此文義竝異說詳齊詩攷

嗒莫懲嗟○毛詩釋文嗒本或作憺

案毛傳憺何也攷說文替曾也玉篇替發語辭也則

憺憺替替之假借耳

維周之桎○毛詩箋氏當作桎梏之桎

案釋文桎礙也本或作手旁至者誤也阮氏校勘記

曰段玉裁云當是抵字誤桎是也別體字抵作扞與

自爲正

案毛詩作誰秉國成無能字正作政

如相酬矣○毛詩釋文酬又作酬

嘉父作頌○漢書古今人表嘉父列中之上

蔡邕朱公叔諡議周有仲山甫伯陽父嘉父優老之稱也

案嘉父卽家父毛詩作家父三家詩竝作嘉父

以蕃萬邦○陸賈新語術事篇詩云式詖爾心以蕃萬邦

案蕃毛詩作裔

正月

民之謠言○說文言部謠謠言也从言爲聲詩曰民之謠

言

案毛詩作訛徐鉉繫傳云今詩作吡假借也

鼠憂以瘳○爾雅釋文瘋詩作鼠

案今毛詩云癰憂以瘳此後人改從三家今文非毛氏之舊也兩無正篇鼠思泣血尙作鼠字可證

憂心瘵瘵○爾雅釋訓瘵瘵病也注賢人失志懷憂病也憂心瘵瘵○詩經考文古本愈愈作瘵瘵

案集韻瘵容朱切音俞或作瘵義同毛詩愈愈乃瘵瘵之假借耳俞瘵古通國語晉語東方之士孰爲瘵

注云療賢也是以療爲愈之驗

是以爲侮○詩經考文古本有侮作爲侮

憂心熒熒○毛詩釋文惻惻本又作熒憂意也一日獨也

靡人弗勝○毛詩釋文勝毛音升乘也鄭尸證反

繫誰云憎○毛詩箋伊讀當爲繫繫猶是也

謂山蓋庠○毛詩釋文卑本又作庠同音婢又必支反

民之譌言○宋書五行志詩曰民之譌言寗莫之懲

訊之占夢○毛詩釋文訊本又作訊音信

不敢不跼○毛詩釋文局本亦作跼

支選東京賦薛綜注毛詩曰謂天蓋尚不敢不跼跼偃

僂也

案李善文選注廿七卅七五十三五十六五十七及後漢書仲長統傳蔡邕傳李固傳注引詩竝作跼不敢不越○說文走部越側行也从走東聲詩曰不敢不越

越

案毛詩釋文引說文云越小步也與今本微異又說文足部云跼小步也从足脊聲詩曰不敢不跼此許氏兼採古今文也詳見魯齊詩攷

惟號斯言有倫有迹○春秋繁露深察言號篇謫而效天地者爲號詩曰惟號斯言有倫有迹

案毛詩惟作維迹作脊董仲舒以號爲名號與毛傳鄭箋義異說詳齊詩攷

列女傳六詩曰惟號斯言有倫有脊

胡爲虺蜥○毛詩釋文蜴星厯反字又作蜥

鹽鐵論周秦篇詩云哀今之人胡爲虺蜥

說文虫部虺以注鳴者詩曰胡爲虺蜥从虫兀聲

有苑其特○百帖八十詩曰有苑其特

案宋本毛詩釋文苑字亦作苑

燎之方陽能或滅之○漢書谷永對曰詩云燎之方陽能或滅之

案毛詩陽作揚能作甯王氏詩攷載漢書引詩能或減之今漢書仍作甯蓋後人從毛詩改之

褒姒滅之○毛詩釋文戚呼說反齊人語也字林武劣反說文云从火戊聲火死於戊陽氣至戊而盡本或作滅案左傳昭元年引詩褒姒滅之釋文云滅詩作戚又高誘呂覽注及顏師古漢書外戚傳注引並作滅

又霅陰雨○毛詩釋文霅求殂反毛困也鄭仍也字林且畏反

案鄭君川魯詩說故義與毛異說詳魯詩攷亦孔之昭○禮記中庸詩云潛雖伏矣亦孔之昭

案毛詩作炤釋文云炤音灼之若反又與此異

又有嘉者○毛詩釋文有本又作穀

協比其鄰○左傳僖廿二年詩曰協比其鄰昏姻孔云

案左傳襄廿九年引詩文同又白帖二十引詩作協

比太平御覽一百五十七引毛詩治比亦作協比

昏姻孔員○毛詩釋文云本又作員音同毛旋也鄭友也

婚姻孔云○白帖二十詩云協比其鄰婚姻孔云

憂心殷殷○爾雅釋訓殷殷憂也

案邢疏釋殷殷引此詩憂心殷殷爲證

伯伯彼有屋○毛詩釋文此音此說文作伯音徒

說文人部伯小貌从人𠂔聲詩曰伯伯彼有屋

案玉篇人部伯下引詩文同馬瑞辰曰伯與納字从𠂔聲同義爾雅釋訓𠂔𠂔小也釋文云郭音徒卽伯字之音

載載方穀○毛詩釋文本或作方有穀非也

案阮氏校勘記曰正義云方有舊祿之貴矣是其本與或作同載震毛鄭詩攷正云當從釋文爲正

速速方穀○蔡邕釋詁速速方穀天天是加章懷注云小雅速速方穀天天是赫毛萇注速速陋也鄭元注穀祿也言鄙陋小人方貴而得祿也韓詩亦同此作穀者謂

小人乘龍方轂而行方獬並也

案爾雅速速蹙蹙惟速鞠也正釋此詩速速之義轂古通如不轂老子書作不轂布轂列子書作布轂是也說詳魯詩攷

天天是椽○蜀石經天天是椽

案蔡邕釋誨天天是加段玉裁云天天是天天之譌蜀石經作天天是蜀本誤耳

哀此熒獨○孟子梁惠王下詩云得矣富人哀此熒獨

楚詞注一熒獨也詩曰哀此熒獨

案熒毛詩作惺傳云單也與獨義同

十月之交○毛詩箋當爲刺厲王作詰訓傳時移其篇第
因改之耳

案毛詩序云大夫刺幽王也鄭君以十月之交至小
宛皆當爲刺厲王篇次在六月之上攷十月篇鄭說
出於魯詩則以下三篇亦從魯爲說也

朔日辛卯日有蝕之○漢書劉向封事曰詩曰朔日辛
卯日有蝕之

案范家相云誤月爲日始於元板宋本朱傳作朔月
魏了翁曰十月之交則十一月矣是周人朔月也故
曰朔月辛卯盧文弨曰汲古閣漢書劉向傳作朔月

尙不誤蔡氏問之引學齋佔畢語亦以作朔月爲是
喬樅謂諸說皆非也朔月當作朔日漢書劉向傳汲
古閣本乃傳寫之譌耳攷毛傳云之交日月之交會
鄭箋云周之十月夏之八月也八月朔日日月交會
而日食陰侵陽臣侵君之象正義曰日月交會謂朔
日也此言十月之交卽云朔日辛卯朔日卽是之交
又引推度災曰十月之交氣之相交周十月夏之八
月其言主以釋此故據之以爲周之十月焉是毛詩
與三家經文同爲朔日辛卯此其確證也朔字義主
合朔朔之與晦一爲本月之始一爲前月之終合朔

之日是謂朔日交會卽是合朔詩明言十月之交乃
妄以爲十一月顯與經文違背其謬誤不辨而明矣
又攷後漢書丁鴻傳鴻因日食上封事曰昔周室衰
季皇甫之屬專權於外黨類強盛侵奪主執則日月
薄食故詩曰十月之交朔日辛卯日有食之亦孔之
醜注引鄭箋說云云竝作朔日亦一左驗也蝕毛詩
作食

日月鞠凶○漢書劉向上封事曰日月鞠凶不用其行

案鞠凶毛詩作告凶鞠亦告也見玉篇

曷用其良○荀悅漢紀詩云四國無政曷用其良

〔案〕易毛詩作不

彼月而蝕 此日而蝕○史記天官書月蝕常也日蝕爲不臧也

彼日而食○左傳昭七年詩所謂彼日而食于何不臧者正義云詩作此日而食此云彼者師讀不同也

彼日而蝕○說苑正理篇詩所謂彼日而蝕于何不臧者百川沸騰○玉篇水部詩曰百川沸騰水上湧也

〔案〕滕毛詩作騰是古文之假借玉篇據三家今文也

山冢卒崩○毛詩釋文翠本亦作卒

〔案〕正義云徐邈以卒子恤反則當訓爲盡

漢書劉向上封事曰山冢卒崩

張華博物志百川沸騰山冢卒崩

案後漢書董卓傳贊注引亦作卒崩

胡慘莫懲○毛詩釋文懞亦作慘

案阮氏校勘記云此與節南山懞莫懲嗟皆卽懞字

之假借亦作本誤

潘惟司徒○毛詩釋文番木或作潘

繁惟司徒○毛詩釋文番韓詩作繁

皮惟司徒○漢書古今人表司徒皮列下之下

案顧炎武云番音波儀禮皮樹巾今文皮爲繁漢繁

延壽繁音婆據此則番繁皮皆以音同通川

家伯維宰○周禮宰夫注鄭司農云宰夫主諸臣萬民之
復逆故詩人重之曰家伯維宰

案鄭君詩箋以宰爲冢宰與古今人表太宰家伯合
蓋據齊詩爲說王肅述毛以此宰爲小宰與鄭司農
眾以此宰爲宰夫解亦各異蓋師說不同耳

家伯冢宰○宋子集解家伯冢宰

仲術膳夫振子內史縻惟趣馬萬惟師氏○漢書古今人
表天宰家伯膳夫中術內史振子趣馬縻師氏萬蒞列
下之下

案毛詩仲衡作仲允振子作槩子槩作蹶蹶作耦今本漢書表家伯誤作豕伯非又漢書五行志注引詩槩惟趣馬是據舊注所引齊詩之文而今木人表仍作蹶此後人順毛詩改之耳

耦惟師氏○漢書五行志詩曰槩惟趣馬耦惟師氏

案古今人表師氏萬顏注云萬讀爲耦此五行志注引詩直作耦字洪頤煊曰唐石經初刻作耦後改耦阮氏校勘記曰五經文字木部云耦氏也見詩小雅耦字是也从木从才字多相亂集韻九廢引詩亦作耦與唐石經初刻同

橘惟師氏○說文繫傳木部橘錯按詩橘惟師氏

踞惟師氏○潛夫論本政篇皇父蹶踞聚而致災異

豔妻煽方熾○毛詩釋文豔餘瞻反鄭云豔妻厲王后煽

音扇說文作煽方處一本處作熾

案小徐本說文引詩作熾阮氏毛詩校勘記云處與
馬爲韻作熾誤也

豔妻煽方處○說文人部煽熾盛也从人扇聲詩曰豔妻
煽方處

閭妻煽方處○漢書谷永對曰閭妻驕煽日以不臧集注
曰閭嬖寵之族也扇熾也魯詩小雅十月之交篇曰閭

妻扇方處

班婕妤賦哀褒閼之爲尤顏師古注詩曰閼妻扇方處
案錢大昕云閼與庸通左傳閼職史記齊世家作庸
職是也庸閼聲相近說詳魯詩攷

剡妻扇方處○毛詩正義申侯曰剡者配姬以放賢剡豔
古今字耳以剡對姬爲其姓以此知非褒姒也

案後漢書左雄上疏曰幽厲昏亂不自爲政褒豔用
權七子黨進褒豔當即褒剡猶谷永之稱褒閼也剡
姓周有剡子三代後尙有剡姓說詳齊詩攷

抑此皇父○毛詩箋抑之言噫噫是皇父疾而呼之

〔案〕釋文抑如也辭也徐音噫韓詩云意也徐之詩音
蓋從鄭讀

曰予不臧○〔毛〕詩釋文戕殘也王肅本作臧臧善也孫毓
評以鄭爲改字

〔案〕惠棟云此王肅改字反詒康成過矣

不慙遺一老○〔毛〕詩釋文慙魚覲反小爾雅云願也願也
且也韓詩云問也

〔案〕左氏昭十一年經會於厥慙公羊作川銀是韓說
慙問之訓亦以音同轉注也

俾屏我王○〔蔡邕〕陳太邱碑天不慙遺一老俾屏我王

案毛詩作俾守我王中郎集焦君贊又云不遺一老
屏此四國據中郎文是魯詩作俾屏與毛詩字異

僊勉從事○毛詩釋文僊本又作僊

僊俛從事○文選潘岳詩注毛詩曰僊俛從事不敢告勞

案白帖四十一引詩亦作僊俛

密勿從事○漢書劉向上封事曰詩曰密勿從事

案後漢書傅毅傳註亦引作密勿

讒口咎咎○毛詩釋文讒讒韓詩作咎咎

讒口咎咎○爾雅釋訓咎咎毀也舍人注咎咎衆口毀人

之貌

讒口敖敖○潛夫論難賢篇詩云無罪無辜讒口敖敖

案啓啓字通敖卽啓之消借後漢書皇甫規傳注引詩作啓啓與韓詩文同

噂沓背憎○毛詩釋文噂說文作傳沓本又作沓

案作沓者正義本也文選注廿三引毛詩作噂沓說文繫傳引詩同皆與釋文本合詩經考文古本作沓

傳沓背憎○說文人部傳聚也从人傳聲詩曰傳沓背憎

案說文口部又云噂聚語也从口傳聲詩曰噂沓背憎此許君兼採毛氏及三家之文攷左傳僖十五年引詩正作傳則作傳者古文也今毛詩作噂此轉寫

者改從今文耳五經文字云嘽詩亦作僂白帖九十
三引詩亦作僂

踣脊背憎○唐石經嘽作踣

案臧庸云唐石經原刻如此疑是譌字

悠悠我痲○毛詩釋文里如字毛病也鄭居也木或作痲
後人改也

案毛傳訓里爲病是以里爲痲之假借三家今文有
作痲者故後人據以改毛

玉篇牙部痲病也詩云悠悠我痲

案玉篇所引當是據韓詩之文

攸攸我里 簞簞我里○爾雅釋訓攸攸嘒嘒罹禍毒也
樊光曰詩曰攸攸我里

案今本爾雅作簞簞與樊光本異攸攸卽悠悠之省
里字今釋文譌作思宋刻不誤宜從之

悠悠我惺○爾雅釋詁惺憂也郭注詩曰悠悠我惺

案郭注引詩作惺段氏玉裁以爲所見本不同

亦孔之悔○毛詩釋文悔音悔本又作悔病也

雨無政○讀詩記引董氏曰韓詩作雨無政正大夫刺幽
王也章句無眾也

案胡承珙云薛君讀無爲燕雨無政者蓋謂政亂如

雨之蕪義與毛敍近喬樞謂正大夫刺幽王也正字
乃政之音後人轉寫誤入正文耳又詩攷載韓詩作
雨無極引劉安世曰嘗讀韓詩篇首有雨無其極傷
我稼穡二句朱子集傳駁之以爲出好事者之附會
昊天疾威○毛詩釋文緝天疾威緝縈巾反本有作昊天
者非也

案正義云上有昊天明此亦昊天定本皆作昊天俗
本作緝天誤也陸孔所見各異當從孔氏正義本爲
長箋云王既不駿昊天之德今昊天又疾其政以刑
罰威恐天下而不慮不圖是鄭君本作昊天故承上

文浩浩昊天不駿其德而言也唐石經作昊天漢書
注一百下文選注五十六引詩並從定本作昊經傳
沿革例云俗本以釋文有密巾反遂並詩經與注皆
改作緝今從孔疏及諸善本

不慮不圖○漢書敘傳注詩曰不慮不圖

揚雄豫州牧箴不慮不圖

案毛詩不字並作弗

薰胥以鋪○漢書敘傳薰胥以刑集注晉灼曰齊魯韓詩
作薰薰帥也胥相也從人得罪相坐之刑也

熏胥以鋪○後漢書蔡邕傳下獲薰胥之辜注詩小雅曰

若此無罪熏膏以痛熏帥也胥相也痛病也言此無罪之人而使有罪者相帥而病之是其大甚見韓詩

案熏字卽薰之省故漢書敘傳帥古集注曰韓詩淪字作薰薰者謂相薰蒸亦漸及之義耳又毛詩釋文云鋪徧也王云病也王肅訓鋪爲病卽用韓詩義以鋪爲痛之假借字

論胥以鋪○應劭漢書注詩云若此無罪論胥以鋪胥靡刑名也

案論字卽淪之譌應劭用三家詩當作薰胥此疑後人順毛改之

宗周既滅 莫知我肄○左氏昭十六年傳詩曰宗周既滅又曰莫知我肄

案今毛詩作周宗文誤倒耳說詳魯詩攷肄毛詩作勦肄勦古通用字

戎成不遐○毛詩釋文遐徐音退本又作退
曾我誓御○唐石經誓作誓

案唐石經是也阮氏校勘記云此字從𡗗聲五經文字誓與𡗗同說文云誓曰狎習相慢也皆誤从執
慘慘日瘁○唐石經懔懔作慘慘

案毛詩校勘記云釋文懔懔于感反正義曰懔懔然

日以憂病是陸孔本皆作惜不知唐石經出何本也
莫有用諄○毛詩釋文諷音信徐息悴反本又音碎

案戴震云諷乃諄之譌諄告諷問義各不同陳風墓
門歌以諷之釋文本又作諄與此並當作諄字爲正

聽言則對○賈山至言詩曰聽言則對諧言則退

劉向新序雜事五詩曰聽言則對諧言則退

案對毛詩作荅攷廣雅云對合也會卽古荅字

唯躬是瘁○左氏昭八年傳詩曰唯躬是瘁

案毛詩唯作維

卑躬處休○左氏昭八年傳詩曰卑躬處休

案左傳釋文云俾本作卑

維曰于仕○唐石經予作于

案小字本相臺本考文古本同閩本明監本毛本皆作予據毛傳云于往也則予乃于字之譌

小緒

昊天疾威○列女傳八詩云昊天疾威敷于下土

案此因雨無正詩有昊天疾威句轉寫者并此詩亦譌爲昊天耳篇名小緒當爲緒天爲正

謀猷回猷○毛詩釋文回通音聿僻也韓詩作猷義同

謀猷回穴○漢書班固幽通賦注曹大家曰回邪也穴僻

也

謀猷迴穴○文選幽通賦李善注韓詩曰謀猷迴穴

謀猷回次○文選潘岳西征賦李善注韓詩曰謀猷回次

薛君章句曰回次邪僻也

案毛詩釋文韓詩作回猷則潘安仁賦事回次而好還當是本於魯詩李善引韓詩爲證非是班固幽通賦畔回穴其若茲兮班孟堅用齊詩而文選字作迴穴李善亦引韓詩曰謀猷回穴李善不見魯齊詩意以迴回字同穴次並猷之異文耳說詳齊詩攷

翁翁訛訛○爾雅釋訓翁翁訛訛莫供職也

噲噲些些○荀子修身篇詩云噲噲些些亦孔之哀

歎歎訛訛○漢書劉向傳詩曰歎歎訛訛亦孔之哀

案眾經音義云吸古文歙喻二形是歙喻字同

翁翁嘗嘗○說文言部嘗不思稱意也从言此聲詩曰翁

余世榮

案說文家作此下言注作言旁此後漢書翟輔傳

翁龔嘗更相佐附注引詩小雅曰翁龔龔龔亦孔之

哀誠與書古字通

伊于胡底○毛詩釋文底之履反

案唐石經作底從釋文本相臺本同小字本作底閩本明監本毛本同段玉裁曰箋云底至也作底爲足是用不就○韓詩外傳六詩曰謀夫孔多是用不就

案毛傳云集就也韓毛文異而義同

民雖靡臠○毛詩正義鄭訓臠爲法音模王肅讀爲撫喜吳反撫大也無大有人言少也

民雖靡臠○毛詩釋文靡臠韓詩作靡臠猶無幾何也

案臠臠古通大雅絲周原臠臠韓詩亦作臠鄭君訓臠爲法是以臠爲撫之假借詳說韓詩攷

或慙或謀○漢書敘傳○或慙或謀

案慙毛詩作哲說文哲知也从口折聲慙或从心

如彼築室道謀是用不潰乎成○天平御覽一百七十四
毛詩曰如彼築室道謀是用不潰乎成

案此所引詩上句少一千字下句于字又作乎疑文
有譌脫也

不可暴虎不敢憑河○鹽鐵論詔聖篇詩云不可暴虎不
敢憑河

案詩攷引鹽鐵論文如此今本仍與毛詩同

不敢溯河○說文繫傳詩曰不敢溯河今借馮

案泐玉篇以爲古泐字憑通作泐

莫知其它○荀子臣道篇詩曰人知其一莫知其它

案它字亦作佗佗他字同

戰戰矜矜○左氏宣十六年傳詩曰戰戰矜矜

案矜矜毛詩作兢兢通作矜韋孟諷諫詩矜矜元

王注云矜矜戒慎也是亦以矜爲兢

小宛

鳩飛○國語晉語秦伯賦鳩飛韋昭注鳩飛小雅小宛之

首章也

案據國語則小宛篇題亦或作鳩飛也

苑彼鳴鳩○宋庠國語補音苑詩作苑

〔案〕大戴禮曾子立孝篇引詩夙興夜寐二語盧辯注曰小雅小苑之四章也攷毛詩釋文不言苑或作苑則作苑者必三家今文也

翰飛鴈天○〔文選〕西都賦注韓詩曰翰飛鴈天薛君章句曰鴈附也

〔案〕鴈毛詩作戾說詳韓詩攷

念彼先人○春秋繁露楚莊王篇詩曰我心憂傷念彼先人明發不寐有懷二人

〔案〕盧文弨云明發不寐亦有作不昧者宋本則否彼

毛詩作昔

飲酒溫克○毛詩釋文溫王如字柔也鄭於邇切蘊藉也
一醉日富○列女傳八詩云彼昏不知一醉日富

案毛詩箋云飲酒一醉自謂日益富則鄭君亦從魯詩作一醉也

螟蛉有子蜾蠃負之○說文虫部蜾蠃蒲盧細要土蠶也
天地之性細要純雄無子詩曰螟蛉有子蜾蠃負之从
虫爵聲重文蜾或从果

蜾蠃負之○禮記中庸注詩曰螟蛉有子蜾蠃負之
螟蛉之子蜾蠃負之○博物志物性篇詩云螟蛉之子蜾

羸負之

果羸負之○莊子音義中細要者化蜚之屬也詩所謂螟蛉有子果羸負之

天元經親次三螟蛉不屬蜾蠃取之司馬光集注詩云螟蛉有子蜾蠃負之

案毛詩螟蛉作螟蛉蜾蠃作蜾蠃與蛉同如蔞落亦作零落是也果卽蜾之省文羸羸皆羸之同音假借字

題彼脊鶴○毛詩釋文今本作鶴

題彼鶴鶴○潛夫論讚學篇詩云題彼鶴鶴載飛載鳴

案文選注四十五引詩亦作鵲鵲

題彼鵲鵲○漢書東方朔荅客難譬彼鵲鵲飛且鳴矣

相彼脊令○徐幹中論貴驗篇詩曰相彼脊令載飛載鳴
案相毛詩作題傳云題視也徐引作相據三家詩文
相亦視也字異義同

無忝爾所生○韓詩外傳八詩曰夙興夜寐無忝爾所生
案毛詩釋文云毋忝音無是陸本作毋字正義曰無
辱汝所生之父祖則孔本作無可知唐石經亦作無
哀我殄瘁○毛詩釋文墳盡也韓詩亦作殄殄苦也

案墳殄一聲之轉如鬢髮亦作參髮是也

宜犴宜獄○毛詩釋文宜岸如字訟也韋昭注漢書同韓詩作犴音同云鄉亭之繫曰犴朝廷曰獄

案初學記二十引韓詩同

鹽鐵論五刑篇詩云宜犴宜獄握粟出卜自何能穀刺刑法繁也

案荀子有坐篇獄犴不治楊倞注引詩宜犴宜獄又後漢書皇后紀章懷注引亦同

風俗通義曰宜犴宜獄犴司空也

宜犴宜獄○周禮射人注犴讀如宜犴宜獄之犴

案臧庸云漢書廿三服虔注鄉亭之獄曰犴字亦作

豸與周禮注同

說文豸部豸胡地野狗从豸干聲豸或从犬詩曰宜豸
宜獄

如臨空谷○王通中說魏相篇詩曰惴惴小心如臨空谷
案空谷毛詩作于谷

小卞○漢書杜欽傳小卞之作可爲寒心

案杜欽川魯詩卞毛詩作弁弁卞古通說詳魯詩攷
弁彼鷖斯○法言學行篇頻頻之黨甚於鷖斯

案鷖毛詩作鴟頻頻疑亦提提之異文說詳魯詩攷
鞠爲茂草○蔡邕述行賦周道鞠爲茂草兮

案毛詩釋文本作鞠唐石經作鞠宋本同爾雅釋訓
疏引詩鞠爲茂草與唐石經合

愁焉如癘 愁焉如疢○毛詩釋文癘丁老反本或作癘
同韓詩作疢除又反義同

案毛傳癘訓心疾卽癘之假借玉篇疢與癘同

寤寐咏嘆○淮南說山訓注詩曰寤寐咏嘆

寤寐永歎○後漢書和帝紀永元六年詔寤寐永歎用思
孔疚

案後漢書質帝紀永嘉元年詔寤寐永歎重懷慘結
注引詩寤寐永歎唯憂用老爲證是三家文與毛異

不作假寐也

惟憂川老○論衡書虛篇詩云惟憂川老

疹如疾首○毛詩釋文疾病也又作疹同

疹如疾首○文選注廿四詩曰疹如疾首

曹子建贈白馬王彪詩

案說文月部疹爲疹之籀文玉篇疒部疹卽疾之俗體集韻云疾或作疹

苑彼柳斯○白帖一百詩曰苑彼柳斯

韞草泝泝○韓詩外傳七詩曰有韞者淵韞草泝泝

案文選注六引毛詩有韞者泉此唐人避諱改字也

說苑雜言篇詩曰韞草泝泝

〔案〕毛詩作萑葦萑葦字同萑又與莞通說詳魯詩攷
辟彼舟流○毛詩釋文譬亦作辟

鹿之斯奔○李氏易傳三虞翻注詩曰鹿之斯奔

〔案〕白帖引詩亦作鹿之斯奔與虞注合

維足跂跂○毛詩釋文伎伎本亦作跂

〔白帖九十七〕詩曰鹿之斯奔維足跂跂

雉之朝鳴○史記殷本紀正義詩曰雉之朝鳴

〔案〕毛詩鳴作雉

譬彼痾木○爾雅某氏注詩云譬彼痾木疾川無枝

〔說文〕疒部痾病也从疒鬼聲詩曰譬彼痾木一曰腫旁

出也

〔案〕玉篇甕下引詩同毛詩甕作壤傳云壤甕也

尙或殯之○〔說文〕攴部殯道中死人人所覆也从攴堇聲
詩曰行有死人尙或殯之

〔案〕毛詩殯作堇傳云堇路冢也堇殯古今文之異

析薪柶矣○〔玉篇〕木部柶直紙切詩云析薪柶矣謂隨其
理也

〔案〕柶各本俱誤柶唐石經作柶不誤又說文繫傳柶
下徐鍇亦引詩析薪柶矣爲證

析薪柶矣○〔嚴粲〕詩緝析薪柶矣

巧言

亂如此懽○爾雅釋詁注詩曰亂如此懽

〔案〕毛詩作懽傳云懽大也箋云懽教也字同而訓異

昊天大懽○毛詩釋文天音泰本或作泰

昊天太懽○新序節士篇詩曰昊天太懽予慎無辜

儻始既滅○毛詩釋文既涵毛音含容也鄭音咸同也韓

詩作滅減少也

儻始既涵○說文水部涵水澤多也从水函聲詩曰儻始

既涵

儻始既涵○眾經音義五詩曰儻始既涵

案段玉裁云毛傳僭數也蓋以爲諧字

亂是川鹽○禮記表記小雅曰盜言孔甘亂是川鹽

案禮記釋文云川餒徐本作鹽是陸本與徐本文異

毛詩作用餒釋文云餒沈旋音談徐音鹽

匪其止恭惟王之邛○韓詩外傳四詩曰匪其止恭惟王之邛

案毛詩釋文止其本又作恭惟毛詩作維

匪其止躬○禮記緇衣小雅曰匪其止躬惟王之邛

案禮記釋文止其本本作躬云躬恭也與毛詩文異

戢戢大猷○說文大部戢大也从大戠聲讀若詩戢戢大

猷

案徐鍇說文繫傳云今詩借秩爲之

秩秩大猷聖人謨之○漢書班固幽通賦謨先聖之大猷
分師古注詩曰秩秩大猷聖人謨之

案絲猷古通說詳齊詩攷

聖人謨之○毛詩釋文莫又作漠同一本作謨

案爾雅漠謨同訓爲謀後漢書傅毅傳注引詩亦作
聖人謨之盧文弨云毛本後漢書作謨不謨今本改
作莫矣

趙趙髦免遇犬獲之他人有心余忖度之○史記春申君

傳詩曰超超逸逸遇犬獲之他人有心余忖度之

案毛詩他人有心二句在超超二語之前與此不同

予毛詩作余超超毛詩作躍躍韓詩作超超

予忖度之○毛詩釋文忖本又作寸

案寸字卽忖之古文省借

愚犬獲之○毛詩釋文遇如字世讀作愚非也

荏苒柔木○事類賦廿四詩曰荏苒柔木君子樹之

說文繫傳詩曰荏苒柔木

案荏苒毛詩作荏染傳云柔意也字異而訓同

蚺蚺碩言○呂覽重已篇注蚺讀如詩蚺蚺碩言之蚺

〔案〕虵毛詩作蛇

居河之湄○〔毛詩釋文〕靡本又作湄

〔爾雅釋水注〕詩曰居河之湄

〔案〕文選注四十引詩亦作湄

既癥且尪○〔毛詩釋文〕微字書作癥

既微且尪○〔爾雅釋訓〕既微且尪肝瘍爲微腫足爲尪

既微且瘡○〔說文疒部〕瘡脰氣足腫从疒童聲詩曰既微

且瘡

〔案〕微字卽癥古文之消借尪瘡字通

何人斯

不見其人○列女傳三詩云我聞其聲不見其人

案其人毛詩作其身

不畏于天不愧于人○後漢書殤帝紀延平元年敕不愧于天不畏于人注云詩小雅也

後漢書杜林傳注詩曰不畏于天不愧于人

案毛詩作不愧于人不畏于天釋文云愧本或作媿

祗攪予心○文選注十六毛詩曰祗攪予心陸士衡
歎逝賦

曹植七啓祗攪予心

案毛詩作祗攪我心李善注所引毛詩與于建合

我心施也○毛詩釋文易韓詩作施施善也

案施與易義通說詳韓詩攷

伯氏吹埙仲氏吹箎○風俗通義六詩云伯氏吹埙仲氏吹箎

案毛詩正義云埙埙古今字之異耳太平御覽五百十四又五百八十兩引並作埙字箎毛詩作箎

則不可測○藝文類聚一百毛詩曰爲鬼爲蜮則不可測其物不可見蓋氣精也

案藝文類聚先引洪範五行傳則詩曰以下當亦採五行傳語開元占經一百廿引五行傳曰詩云爲鬼爲蜮則不可得蓋氣精也可爲明證毛字蓋衍文耳

曰極反側○毛詩釋文曰古以字本作以

巷伯

斐兮非兮○毛詩釋文斐本或作非

案太平御覽九百四十一引詩正作斐兮非兮

緜兮斐兮○說文糸部緜白文貌詩曰緜兮斐兮成是貝

錦从糸斐聲

案許君所稱詩三家今文也毛詩斐字乃緜之假借

亦以太甚○藝文類聚八十五詩曰彼譖人者亦以太甚

案白帖九十三太平御覽八百十五引詩已同作以

謔兮侈兮○爾雅釋言謔離也郭注云謔見詩邢昺疏曰

卽修兮之異文

〔案〕段玉裁云當爲哆兮之異文古哆該同音也

修兮哆兮○〔崔靈恩集註〕修兮哆兮

〔案〕王氏詩攷所引如此又引說文鈔兮哆兮攷說文金部云鈔曲鈔也从金多聲一曰鬱鼎讀若擔一曰詩云修兮哆兮說文引詩不作鈔字王氏誤耳段玉裁云一曰下當奪若字謂讀若哆也小徐本作一曰若詩曰修兮之修同

耳聃扁扁○〔毛詩釋文〕緝緝說文作耳聃聃字又作扁

〔案〕說文引詩聃聃幡幡在第四章毛詩作捷捷幡幡

豈許氏所據詩下章同作聿聿歟白帖九十三引詩亦作扁扁與釋文又作本同

慎爾言矣○韓詩外傳三詩曰慎爾言矣謂爾不信案矣毛詩作也

聿聿幡幡○說文口部聿聿語也从口从耳詩曰聿聿幡幡

案毛詩釋文緝緝口舌聲也說文作聿云爾語也與今本說文異由井鼎云爾當作聿聿附耳私語也从三耳

唼唼幡幡○漢書揚雄傳音義蘇林曰唼音詩唼唼幡幡

之呀

宋祁
校本

健健幡幡

○眾經音義十六幡健謂口舌往來貌也詩云

健健幡幡謀欲諧言

〔案〕毛詩作健健幡幡呀健皆三家之異文

勞人慙慙○爾雅釋訓慙慙勞也

〔案〕毛詩作草草傳云草草勞也草卽慙之叚借故邢

疏引巷伯詩爲證云慙草音義同又釋訓旭旭驕也

郭讀旭旭爲好好小雅巷伯云驕人好好據此疑三

家今文有作驕人旭旭勞人慙慙者矣

取彼讒人○禮記緇衣注詩曰取彼諧人投畀豺虎

後漢書馬援傳朱勃疏詩云取彼讒人投畀豺虎

案後漢書注引續漢書曰勃能說韓詩

荀悅漢紀詩云取彼讒人投畀豺虎疾之深也

案唐書顏真卿傳引詩亦作讒人毛詩作譖人

作爲作詩○毛詩釋文作爲此詩一本云作爲作詩

案毛詩校勘記云正義本是作爲作詩與釋文一本

同正義云起發爲小人之更讒而作巷伯之詩順經

文作爲作詩四字次敘而說之極爲明晰故正義本

箋竝有作起也作爲也二訓以經有二作字而各釋

之也正義又云定本云作爲此詩又定本箋有作起

也作爲也二訓自與經相乖非也正義之意據其箋
有二訓證其經止一作之失耳不謂不當有二訓也
校勘記說良臆

谷風

惟予與汝 汝轉弃予○後漢書皇后紀小雅曰將恐將
懼惟予與汝將安將樂汝轉弃予

案毛詩惟作維汝作女弃作棄後漢書所引詩是三
家今文也又後漢書朱穆崇厚論云谷風有弃予之
歎章懷注引詩與皇后紀文同

弃我如遺○新序雜事五詩曰將安將樂弃我如遺

案文選注廿五爾雅釋言疏引詩弃予並作弃我

維山崔嵬○毛詩釋文嵬又作崐

惟山崔巍何木不死何草不萎○中論脩本篇習習谷風
惟山崔巍何木不死何草不萎

案毛詩作無木不死無草不萎與此文異

無木不萎○禮記檀弓注詩云無木不萎

案萎字卽萎之消借禮記哲人其萎釋文亦作萎

蓼莪○隸釋司隸校尉魯峻碑悲蓼莪之不報痛昊天
之靡嘉

蓼蓼者儀○隸釋漢平都相蔣君碑感蓼莪詩人蓼蓼者儀

案盧文弨云洪氏曰亦有作蓼義者蓼義見衛尉衡
方碑明刻本作蓼義近人梓本亦作蓼儀矣趙坦云
隸釋孔耽神祠亦作蓼儀

瓶之窞矣○說文穴部窞窞也从穴至聲詩曰瓶之窞矣
案說文缶部罄器中空也从缶聲詩云瓶之罄矣
此許氏兼採詩古今文也

鮮民之生矣○大戴禮用兵篇詩云鮮民之生矣不如死
之久矣

案毛詩鮮民句無矣字

母兮掬我撫我畜我○華嚴經音義二詩曰父兮生我母

兮掬我撫我畜我長我育我

〔案〕眾經音義五鞠育又作掬詩云母兮掬我與華嚴音義引詩同撫毛詩作拊

撫我育我長我畜我顧我復我出入復我○藝文類聚二十毛詩曰撫我育我長我畜我顧我復我出入復我欲報之德昊天同極

〔案〕後漢書梁竦傳引詩亦作撫我畜我太平御覽五百十七引作撫我蓄我初學記十七引毛詩顧我復我出入復我腹字亦作復與藝文所引同

皞天罔極○漢書鄭崇傳欲報之德皞天罔極

〔案〕師古集注云皞與吳同

票風發發○〔毛詩釋文〕飄風本又作票

大東

有蒙簋飧○〔後漢書張衡傳注〕詩云有蒙簋飧

〔案〕說文食部饌盛器滿貌从食蒙聲詩曰有饌簋飧
與毛詩文同則蒙乃饌之消借耳

周道如砥○〔孟子萬章篇〕詩曰周道如砥趙岐注砥平也
〔案〕毛詩底字作砥說文繫傳底下錯引此詩爲證正
作底字

脊言顧之潛焉出涕○〔毛詩釋文〕睠言本又作脊潛所姦

反說文作潛

說文水部潛涕流从水臂省聲詩曰潛焉出涕

案潛字俗體从林作潛故釋文引說文潛字正之

脊焉顧之潛然出涕○荀子宥坐篇詩曰脊焉顧之潛然出涕

漢書中山靖王對曰潛然出涕

脊然顧之潛然出涕○後漢書劉陶議曰詩人所以脊然顧之潛然出涕者也

睠焉顧之潛然出涕○韓詩外傳三詩曰睠然顧之潛然出涕哀其不聞禮教而就刑誅也

案太平御覽四百八十引詩眷言顧之與釋文又作
本同又三百八十七引詩作眷焉顧之與荀子書同
大東小東○太平御覽四百八十四詩曰大東小東杼柚
其空

案毛詩作小東大東

杼柚其空○毛詩釋文柚本又作軸

嬀嬀公子○毛詩釋文桃徒彫反徐又徒了反沈又徒高
反韓詩作嬀嬀往來貌竝音挑

窈窕公子○毛詩釋文桃本或作窈非也

案徐音徒了反疑卽窈字之音

苕苕公子行彼周道。楚詞注十六詩曰苕苕公子行彼周道。

案作苕苕者魯詩文也周道毛詩作周行道行字異義同與下疚字亦韻說詳魯詩攷

有冽漥泉。毛詩釋文泐泉又作晷

案冽或从水作冽攷正義引說文云冽寒貌則當作冽爲正晷說文作晷云从出泉也

無浸穫薪。毛詩釋文浸漬也字又作浸穫毛刈也鄭落木也字則从木旁

案爾雅釋木釋文引詩無浸穫薪正作木旁又邢昺

疏引詩曰無浸穫薪寢作浸與釋文同穫作穫與鄭箋合說詳魯詩攷

挈挈寤歎○楚詞注十六挈挈憂貌也詩云挈挈寤歎

案楚詞亦作契契舊校云一作挈

哀我癯人○毛詩釋文憊字又作癯

爾雅釋詁注詩曰哀我癯人

案說文繫傳癯下亦引詩哀我癯人爲證

薪是穫薪○爾雅釋木樊光注詩云薪是穫薪

周人之子熊羆是求○毛詩箋舟當作周裘當作求聲相

近故也

案舟與周義通求卽古裴字詳見鄭箋改字說

百寮是試○毛詩釋文僚字又作寮

案僚與寮通左傳文七年荀林父曰同官爲寮

玼玼佩璫○毛詩釋文韜韜玉貌字或作玼

案爾雅釋訓正作玼玼某氏注云玼玼無德而佩空
食祿也韜字乃古文假借耳臧庸云太平御覽六百
九十一引詩作緇緇璫璫亦假借字也

岐彼織女○毛詩釋文跂說文作岐

說文匕部岐頭也从匕支聲匕頭頭也詩曰岐彼織女
岐彼織女○五經文字跂下云詩釋文伎亦作跂

案今釋文作跂字張參所據釋文本有作伎字者

不可以服箱○〔文選〕思元賦注〔毛詩〕曰睨彼牽牛不可以服箱

案段玉裁云箋云以用也不可用於牝服之箱爲下文二不可以舉例也各本脫可字

東有启明○〔爾雅〕釋文明星謂之启明〔邢疏〕詩小雅曰東有启明

案說文繫傳徐鍇引詩亦作启明

東有開明○〔大戴禮〕四代篇詩云東有開明

案此漢人避諱改啓爲開字也爾雅釋天作启明

西有長庚○尙書益稷正義詩曰西有長庚毛傳以庚爲續

案毛詩作庚尙書正義所據當爲毛詩之異文

維北有主○毛詩釋文斗都口反沈作主

案易豐卦日中見斗釋文云孟作見主是斗主古通
載吸其舌○玉篇口部詩云維南有箕載吸其舌吸引也
案眾經音義吸古文翯歙二形毛詩作翯卽歙翯之
省文說詳韓詩攷

四月

六月徂暑○毛詩箋徂始也

案段玉裁云毛傳徂往也鄭蓋易徂爲祖字爾雅曰
祖始也今文尙書曰黎民祖飢

秋日棲棲○毛詩釋文淚本亦作棲

案棲字疑爲悽字之譌

秋日淒淒百卉俱腓○文選注二十韓詩曰秋日淒淒百

卉俱腓薛君曰腓變也言俱變而黃也

謝靈運戲馬臺詩

百卉具腓○玉篇疒部癰風病也詩云百卉具腓

案文選謝靈運詩云淒淒陽卉腓李善注旣引韓詩

及薛君章句又云腓音肥毛萇曰癰病也今本作腓

非據李注云云則所據毛詩作癰字說詳韓詩攷

亂離斯瘼○說苑政理篇詩不云乎亂離斯瘼爰其適歸
後漢書仲長統昌言招致乖叛亂離斯瘼

文選任昉爲范尚書讓吏部表亂離斯瘼欲以安歸
亂離斯莫○文選注二十韓詩曰亂離斯莫爰其適歸

薛君曰莫散也

潘岳關中詩

案李善注又云毛詩曰亂離斯瘼矣毛萇曰瘼病也今
此既引韓詩宜爲莫字善據韓詩文作亂離斯莫潘
安仁既用韓詩語則字宜從韓作莫然據說苑引詩
及仲長統昌言云云是三家詩文有作斯瘼者李善
不見魯齊詩故云然耳

奚其適歸○家語辨政篇詩曰亂離瘼矣奚其適歸此傷
離散以爲亂者也

案盧文弨云朱子詩經集傳奚何也卽本此爲釋又
攷華陽國志引亦作奚其適歸

惟栗惟梅○白帖九十九詩曰山有嘉卉惟栗惟梅

案毛詩惟作侯箋云侯維也

瘼爲殘賊○唐石經原刻廢作瘼後改廢

案毛傳廢怵也釋文云廢如字一音發又一本作瘼
大也此是王肅義正義云定本廢訓爲大與鄭不同
此從王肅訓中毛也

易云能穀○毛詩箋易之言何也

案毛傳易速也釋文云易舊何葛反一云毛安葛反
南北之紀○風俗通窮通篇詩美滔滔江漢南北之紀

案北字疑國之誤說詳魯詩攷

盡萃以仕○毛詩釋文瘠本又作萃

盡瘁以士○毛詩考文古本作仕

匪鷖匪鷖○毛詩釋文鷖徒九反字或作鷖

匪鷖匪鷖○說文鳥部鷖雕也从鳥敫聲詩曰匪鷖匪鷖

案段玉裁云今詩鷖爲鷖之譌爲鷖之譌說文無

鷖字鷖卽鷖也集韻以鷖爲古鷖字譌爲鷖又譌入

二仙韻其誤已久如曹子建名都篇已讀如今音

隰有杞莢○毛詩釋文棧本亦作莢

隰有杞夷○爾雅釋木疏詩小雅云隰有杞夷

案夷字當卽棧之省文作莢者假借字也

唯以告哀○蔡邕袁滿來碑唯以告哀

小雅北山之什

普天之下○韓詩外傳一詩曰普天之下莫非王土

新書匈奴篇詩曰普天之下莫非我土王者天子也

案左傳昭七年孟子萬章上荀子君子篇韓非子志孝篇呂覽慎人篇史記漢書司馬相如傳引詩竝作普字毛詩普作溥

率土之賓○漢書王莽篇詩曰率土之賓莫非王臣

百虎通封公侯篇普天之下莫非王土率土之賓莫非王臣

案又見喪服篇又文選司馬相如難蜀父老引詩率

土之濱李善注云本或作賓

率土之類○說文繫傳類下錯曰詩曰率土之類或借賓字或作瀕同作濱

膂力方剛○蔡邕黃鉞銘膂力方剛

旅力方強○眾經音義三方言郭注詩云旅力方強

或宴宴居息或盡額事國○漢書五行志劉歆說詩曰或宴宴居息或盡額事國

案白帖七十八引詩同惟額字作瘁

或惟悴以事國○周禮小司寇注謂惟悴以事國疏曰詩云或惟悴以事國

案左傳昭七年引詩曰或惟悴事國王氏引之曰三家詩必有作惟悴者惟亦盡也

或燕燕以居息或盡瘁以事國○詩經考文古本作或燕燕以居息或盡瘁以事國

案陳樹華云唐石經有爾以字乃後人妄加然據周禮疏云云則詩一本有以字也

或不知號號○毛詩釋文叫本又作號

或燥燥劬勞○毛詩釋文慘慘又作燥

或棲遲偃仰○毛詩釋文仰音仰本又作仰

案正義本作偃仰

或栖遲偃仰○唐石經棲遲作栖遲

或出人風儀○毛詩正義云定本集注竝作議俗本作儀者誤也

無將大車

祗白疢兮○唐石經祗白疢兮

案毛詩釋文作疢音都禮反病也段玉裁曰陸氏誤也案釋詁疢病也說文疢病也从疒氏聲張衡賦思百憂以自疢疢與疢音近禮記畛於鬼神鄭注畛或爲祗疢與塵韻讀若真此古合韻宋劉彝謂當作疢音民妄矣

維塵壅兮○毛詩釋文雍字亦作壅

案盧文弨云古本作壅見考文今本亦或作雍

小明

念彼恭人○鹽鐵論執務篇詩云念彼恭人涕零如雨

案隸釋楊統碑作念彼恭人毛詩作共人

曷云其旋歲聿云暮○詩經考文古本還作旋下章同莫

作暮

痺我不暇○毛詩釋文痺亦作痺

案痺痺蓋以音近通假

脊脊懷顧○文選注十一韓詩曰脊脊懷顧王粲登樓賦

案文選注十五

思元賦

廿五

陸雲答張士然詩謝惠連西陵遇風詩注十七

王粲從軍詩注引韓詩文同卷毛詩作暵

日月方燠○詩經考文古本與作煖

自詒伊戚○毛詩雄雉篇正義小明日自詒伊戚

案左傳宣二年趙宣子曰嗚呼我之懷矣自詒伊戚

鄭箋於雄雉上自詒伊戚讀伊為繫則此亦當同也

詩經考文云古本詒作貽戚作戚

靖恭爾位正直是與○漢書宣元六王傳詩不云平靖恭

爾位正直是與

案靖恭毛詩作靖共嚴照云隸釋帝堯碑作靖恭

靖恭爾位○**禮記緇衣**詩云靖恭爾位好是正直

毋常安息靜共爾位○**春秋繁露祭義篇**詩曰嗟爾君子
毋常安息靜共爾位好是正直

案此漢人避文帝諱改恆之字曰常也漢書董仲舒
傳引詩同

靜恭爾位○**韓詩外傳四**詩曰靜恭爾位好是正直

案外傳四兩引詩皆作靜恭惟外傳七作靖共此後
人轉寫致誤耳又呂覽有度篇注引詩文同

鼓鍾○**尚書中候鄭注**昭王時鼓鍾之詩所爲作

案毛詩序以鼓鍾爲刺幽王說與此異詳見齊詩攷

鼓鍾鏘鏘○詩經考文古文將將作鏘鏘

淮有三州○詩經考文古本洲作州

憂心且忡○說文心部忡朗也从心山聲詩曰憂心且忡

案毛詩忡作如古文之段借

憂心且陶○眾經音義十二詩云憂心且陶陶暢也

文選注卅四薛君韓詩章句曰陶暢也

攸叔七發

案後漢書注八十上引同據文選注明引薛君章句

則知眾經音義所引詩亦爲韓詩矣段玉裁云此卽

憂心且忡之異文臧庸云鄭箋云如之言憚也則陶

亦與如音同說詳韓詩攷

其德不瘳○毛詩箋猶當作瘳瘳病也

案正義云猶瘳相近而誤說見前斯千篇

楚薺○禮記玉藻注采薺當爲楚薺之薺

楚楚者薺○楚詞注一薺疾藜也詩曰楚楚者薺

案薺薺古者聲同通用

我藝黍稷○周禮大司徒注詩曰我藝黍稷藝猶蒔也

我藝黍稷○說文夨部藝種也从夨持而種之詩曰我

藝黍稷

案毛詩作藝藝古書通用

我箱既盈○太平御覽三十五詩曰我箱既盈

〔案〕毛詩箱作倉

我庾惟億○〔初學記〕廿七詩曰我庾惟億
或剝或烹○〔白帖〕六十八詩曰或剝或烹

〔案〕白帖九十六引同太平御覽五百廿四引亦作烹
視祭于絜○〔說文〕示部絜門內祭先祖所以徬徨从示彭
聲詩曰視祭于絜重文祔云絜或从方

視祭于罔○〔孫炎爾雅注〕詩云視祭于罔謂廟門也

〔案〕毛詩作祔字說詳魯詩攷

神保是喜○〔初學記〕十三詩曰神保是喜

〔案〕毛詩作裂

獻酬交錯○毛詩釋文酬又作酬

禮義卒度○韓詩外傳四詩云禮義卒度笑語卒獲

案義毛詩作儀今本韓詩外傳亦作儀此據詩攷引作義經傳多以義爲儀字說詳韓詩攷

馥芬孝祀○文選注廿九韓詩曰馥芬孝祀薛君曰馥香貌也蘇武占詩

馥經音義十四韓詩曰馥芬孝祀馥香氣也

案毛詩作苾芬苾馥同音古相通用說詳韓詩攷

神者飲食○毛詩釋文肴市志反徐云又巨之反下章同

案正義本者作嗜

既齊既稷○〔毛詩箋〕齊減取也

〔案釋文云齊王巾毛如字整齊也鄭音資一音才細反謂分齊也正義云齊與資古今字異是孔氏以鄭君讀齊爲資字

既筐既勑○〔毛詩釋文〕筐本亦作匡

〔案說文筐卽匡之或字王肅述毛云既匡既誠正是毛詩本作匡字鄭箋云受之以筐改訓爲筐篚之筐鍾鼓送尸○〔宋書禮志四〕博士荀萬秋議詩云鍾鼓送尸則送尸之義其來久矣

〔案禮志又載博士賀道期議引詩云鍾鼓送尸鄭云

尸神象也攷毛詩正義云及鳴鍾鼓以送尸是孔本亦作鍾鼓今本詩經作鼓鍾誤也

神保適歸○宋書樂志詩云神保適歸注曰歸於天地也
案適毛詩作畢

爾肴既將○毛詩考文古本殺作肴

勿替引之○儀禮少牢饋食禮勿替引之注古文替爲秩秩或爲戠戠替聲相近

案秩釋文作挾音決集釋通解要義並从衣作袂錢大昕曰袂當爲秩字形相涉而譌也說文戠爲戠詩秩秩大猷說文引作戠戠是秩與戠通書平秩東作

說文作平艷則秩亦有弟音故與替聲相近也錢說
是也據鄭注云云疑三家詩文必有作戠作秩者錄
以俟攷

信南山

維禹陟之○周禮稍人注旬讀與維禹陟之之陟同

案賈疏云此據韓詩而言陟是軍陳故訓爲乘旬出
車一乘可以爲軍故曰乘毛詩作維禹甸之

咻咻原隰○毛詩釋文咻又作咻蘇遵反

替替原隰○周禮均人注旬均也讀如替替原隰之替

案賈疏云替替是均田之意

雨雪紛紛○百帖二詩曰上天同雲雨雪紛紛

案紛紛毛詩作雰雰傳云雰雰雪貌說詳韓詩攷

潤之以霏霏○說文繫傳雨部霏下錯按詩曰潤之以霏
霏

案潤毛詩作益楚金所引或三家異文也

既漫既渥○毛詩釋文優說文作漫

說文水部漫澤多也从水曼聲詩曰既漫既渥

既沾既足○太平御覽八百卅七詩曰既沾既足

既沾既渥○周禮鮑人注鄭司農云脰讀如沾渥之渥賈

氏疏云先鄭據詩云既沾既渥生我百穀

案沾毛詩作霑沾卽霑之省文

黍稷彳彳○玉篇彳部詩曰黍稷彳彳彳彳茂盛貌
塏塏有瓜○韓詩外傳四詩曰中田有廬塏塏有瓜

案王氏詩考引如此今本作疆

塏塏有瓜○周禮載師疏詩曰塏塏有瓜

案眾經音義十三引詩亦作塏塏

是糾是蒞○百帖九十九詩曰是糾是蒞

言以祖考○太平御覽五百二十四詩曰言以祖考

案蒞毛詩作蒞蒞以毛詩作言于

執其鑿刀○詩經考文古本鑿作鑿

取其血膂○說文月部膂牛腸脂也从月𦣻聲詩曰取其
血膂重文膂云膂或从勞省聲

馥馥芬芬○蔡邕集司空臨晉侯碑馥馥芬芬祀事孔明

案馥馥毛詩作苾苾馥古通說見前

萬壽無疆○隸釋漢白石神君碑萬壽無疆

甫田

劉彼甫田○毛詩釋文俾彼韓詩作劉音同云劉卓也

玉篇草部劉都角切韓詩云劉彼甫田毛作俾又音到

案據玉篇則毛詩釋文引韓詩作劉劉乃劉字之譌

爾雅疏引韓詩誤同說詳韓詩攷

劉彼圃田○爾雅釋詁邢疏韓詩云劉彼圃田

或芸或耔○毛詩釋文耘本又作芸

或芸或耔○黍稷疑○漢書食貨志詩曰或芸或耔黍稷

疑疑芸除草也芋附根也

案周禮甸師疏引亦作或芸或芋通典芋作耔

黍稷疑○白帖八十一詩曰或耘或耔黍稷疑

案疑疑皆三家之異文毛詩作疑疑

以我齋明○以我齋明○毛詩釋文齊本又作齋又作齋

同音資

以我桑明○五經文字以我齋明或作桑禮記諸經皆借

齊爲之

呂御田祖呂祈甘雨○漢書郊祀志詩曰呂御田祖呂祈甘雨

田俊至喜○毛詩釋文田峻本又作俊後篇同

田峻至饔○毛詩箋喜讀爲饔饔酒食也

案說文繫傳峻下引詩曰田峻至饔從鄭箋也

饔其左右○毛詩箋饔讀爲饔饔饋也

案饔者饔之段借詳見鄭箋改字說

大田

以我剡耜○爾雅釋詁注詩曰以我剡耜

案毛詩作覃耜傳云覃利也覃又與稂通集韻云稂利耜也或作覃

熾菑南畝○毛詩箋倣讀爲熾載讀爲菑粟之菑

案正義引方言云入地爲熾反草爲菑疑三家今文有倣載作熾菑者故鄭讀從之詳見鄭箋改字說

不莠不莠○說文艸部莠禾粟之莠生而不成者謂之莠莠也重文根云莠或从根

去其螟蠚○毛詩釋文滕字亦作貳說文作蠚

去其螟蠚○說文虫部蠚蟲食苗葉者更乞貸則生蠚从虫从貸貸亦聲詩曰去其螟蠚

去其螟螣○隸釋唐公房碑去其螟螣

及其蚘賊○毛詩釋文蝨本又作蚘

無害我田稗○唐石經稗作穉

卜畀災火○毛詩釋文秉如字執持也韓詩作卜卜報也

案馬瑞辰云秉與卜雙聲故古通用說詳韓詩攷

有弁淒淒興雲祁祁○毛詩釋文有泮本又作弁漢書作

旒斐七西反興雨如字本或作興雲非也

韓詩外傳八小雅曰有弁淒淒興雲祁祁

案詩攷引如此今本外傳作有泮淒淒興雲祈祈

有旒淒淒興雲祁祁○呂覽務本篇詩曰有旒淒淒興雲

祁祁

有黮淒淒興雲祁祁○漢書食貨志詩曰有黮淒淒興雲

祁祁

案今漢書從毛詩作淒字非是王氏詩攷引食貨志已作有淒則其誤久矣

趙明誠金石錄無極山碑興雲祁祁雨我公田遂及我私

有淒淒淒○說文水部淒雲雨起也从水妻聲詩曰有淒淒淒

玉篇水部淒雲雨貌詩曰有淒淒淒

〔案〕廣韻淠字下事類賦二及三引詩文同

〔初學記〕一詩曰有淠淠淠與雨祁祁

有淠淠淠○〔百帖〕二詩曰有淠淠淠與雨祁祁

〔案〕盧文弨云顏介家訓始謂興雲當作興雨而陸氏釋文從之據金石錄載無極碑知漢以前本皆作興雲〔參〕氏但以班固靈臺詩祁祁甘雨爲證豈諸書皆可廢乎盧說是也攷藝文類聚韓鄂歲華紀麗引詩並作興雲則唐人亦不盡從顏陸之說矣

彼有遺秉此有不斂穧伊寡婦之利○〔禮記坊記〕詩云彼有遺秉此有不斂穧伊寡婦之利

春秋繁露制度篇詩云彼有遺秉此有不斂穧伊寡婦之利

案禮家川齊詩董子亦用齊詩疑齊詩之文作彼有不穫穧此有滯穗彼有遺秉此有不斂穧也

彼有不穫穧○唐石經穧作穧

此有不斂穧○毛詩正義曰定本集注穧作積

案詩經校勘記云作積者非也積當作穧以齊資得通用而借穧爲穧也

田俊至饔○毛詩箋讀爲饔饔酒食也

瞻彼洛矣

韎韐有奭○白虎通爵篇詩曰韎韐有奭

案有奭毛詩作有奭釋文奭許力反赤貌

琕琕有珌○毛詩釋文琕字又作琕

琕琕有珌○毛詩釋文琕字又作琕

琕琕有琕○毛詩釋文琕字又作琕

案琕者刀室之名琕琕者佩刀上下之飾說文革部

云琕刀室也玉部云琕佩刀上飾天子以玉諸侯以

金琕佩刀下飾天子以珌舊誤作玉非是今據段注訂正琕古文作

琕見玉篇餘詳禮堂經說

裳裳者華

左之右之君子宜之右之左之君子有之○〔北史長孫紹遠傳〕左之右之君子宜之右之左之君子有之

〔案〕此與毛詩文異疑是三家詩文如此

唯其有之○〔新序雜事〕詩曰唯其有之是以似之

小雅桑扈之什

桑扈○〔毛詩釋文〕扈說文作雇

有鷩其羽○〔文選〕潘安仁射雉賦徐爰注鷩文章貌也詩云有鷩其羽

〔案〕白帖九十五鷩下亦引作有鷩其羽與徐爰同九十四鳥下引有鷩其羽云鷩文彩也仍與毛詩同白帖蓋兼採毛韓二家之詩

君子樂胥○〔毛詩釋文〕胥毛如字皆也鄭徐思敍反有才知之稱

〔案〕正義云鄭志荅冷剛云須有才智之稱胥須古今

字耳

受福不讎○說文鬼部魑讀詩受福不讎

案說文魑見鬼驚習从鬼難省聲段玉裁注云魑爲奈何之合聲凡警習曰那者卽魑字如公是韓伯休那是也左傳棄甲則那亦是奈何之合聲小雅桑扈受福不那傳曰那多也此作不讎疑字之誤或是三家詩喬樅放顏氏家訓書證篇引詩傳曰不戢戢也不讎讎也是毛詩本不難有作讎字者鄭箋云不自難以亡國之戒孔疏以爲難者戒懼之詞戒懼與驚懼義近疑說文引詩不戢不讎而傳寫者誤作受福

不儻耳

兕觥其觥○說文角部觥角貌从角斗聲詩曰兕觥其觥

案毛詩釋文觥本或作觥或本與說文引詩合

兕觥其觥○左氏成十四年傳詩曰兕觥其觥

案左氏釋文本觥字仍作觥與毛詩文同

周禮小胥注觥罰爵也詩云兕觥其觥

案太平御覽四百九十八引詩文同詩經考文云古

本觥作觥

匪傲匪傲○漢書五行志申之上詩曰匪傲匪傲萬福來
求應劭注曰言在位者不傲計不踞傲也師古注曰傲

謂倣倖也

彼交匪倣○左氏成十四年傳詩曰彼交匪倣萬福來求
匪交匪敖○左氏襄二十七年傳公孫段賦桑扈趙孟曰
匪交匪敖福將焉往

案盧文弨云匪亦有彼義襄八年傳引詩如匪行邁
謀杜預注云匪彼也盧說亦通然三家詩文與毛不
同如齊詩自作匪倣不得以匪字訓爲彼也又太平
御覽四百九十八引詩匪敖作匪倣與毛氏文亦異
疑是韓詩

鴛鴦

畢之羅之。○呂覽季春紀畢掩網也。詩曰畢之羅之。

〔案畢毛詩作畢〕

莖之秣之。○毛詩釋文韓詩云莖委也。

〔案毛詩摧之秣之傳云摧莖也箋云摧今莖字也是毛詩以摧爲莖之假借又眾經音義十三十五兩引詩皆作莖字從韓詩也詳見鄭箋改字說〕

挫之秣之。○百帖九十六詩曰乘馬在廐挫之秣之。

〔案挫字今誤作秣非是詳見鄭箋改字說〕

芻之秣之。○說文繫傳秣下云按詩曰芻之秣之借秣字秣之剉之。○說文繫傳莖下云按詩曰秣之剉之則此莖

字

案據徐錯詩則詩摧字或亦作剉。經音義十三云
莖經文作剉其驗也。

頰弁

爾肴既嘉。○太平御覽五百十四詩曰爾肴既嘉。

葛與女蘿。○呂覽季秋紀注詩曰葛與女蘿施于松上。

案葛字疑爲之譌。文選注廿五引詩亦作葛與女蘿。
誤與此同。

鵠與女蘿。○隸釋費鳳別碑鵠與女蘿。

案此碑鵠字从木亦三家詩之異文。

庶幾說繹○毛詩釋文釋本又作繹

實維何其○毛詩釋文期本亦作其音基王如字

實維何斯○詩經考文古本期作斯

先集維霓○爾雅釋天注詩曰如彼雨雪先集維霓霓水

雪雜下者故謂之消雪

案毛詩釋文霞字亦作霓爾雅釋文霓本或作霰霰

同悉練反霓霰皆三家之異文說詳魯詩攷

樂酒今昔○楚詞大招注昔夜也詩云樂酒今昔

案昔毛詩作夕

車華

車轄○左氏昭二十五年傳昭子賦車轄

案左傳釋文轄本又作輦太平御覽五百七十七又九百十七引詩並作車轄

德音來佾○毛詩釋文括本又作佾

展彼碩女○列女傳八詩曰展彼碩女令德來教

案毛詩作展彼碩女此所引據魯詩之文也

高山仰之○毛詩釋文仰止本或作仰之

案禮記表記引詩高山仰止釋文亦云本或作仰之

高山仰止○說文匕部卽望欲有所庶及也从匕从卩詩

曰高山仰止

景行行之○禮記表記詩曰高山仰止景行行止釋文云
行止詩作行之

案盧文弨云此與今詩不合王氏詩攷載史記孔子
世家作景行行之今史記仍作行止與今詩同

景行嚮之○史記三王世家詩曰高山仰之景行嚮之

案三王世家兩列詩文皆如此褚少孫習魯詩者是
魯詩文與毛異

觀爾新婚○家語孔子弟子解詩云觀爾新婚以慰我心
以愠我心○毛詩釋文慰怨也王中爲怨恨之義韓詩作
以愠我心愠恚也本或作慰安也是馬融義馬昭張融

論之詳矣

〔案〕韓詩與毛文異義異馬王釋毛詩訓各不同說文云慰安也一曰恚怒也兼有二義說詳韓詩攷

青蠅

營營青蠅○說文言部營小聲也从言熒省聲詩曰營營青蠅

青蠅

〔案〕說文黽部云營營青蠅蟲之大腹者仍作營字與毛詩同則言部所引詩是三家今文也

止于楸○說文爻部楸藩也从爻从林詩曰營營青蠅止于楸

案後漢書寇榮傳注引詩作止於樊

止于蕃愷悌君子○史記滑稽傳詩云營營青蠅止于蕃
愷悌君子無信讒言

至于藩愷悌君子毋信讒言○漢書昌邑王傳龔遂曰詩
不云乎營營青蠅至于藩愷悌君子毋信讒言

止于藩愷悌君子○漢書武五子傳壺關三老茂上書曰
詩云營營青蠅止于藩愷悌君子無信讒言

案論衡商蟲篇引詩文與此同毛傳云樊藩也是以
今字釋古字三家今文蓋皆作藩史記引作蕃卽藩
之消借耳愷悌毛詩正義本作豈弟釋文本作愷悌

藝文類聚九十七後漢書注四十六引詩亦作愷悌

讒言罔極○陸賈新語三詩曰讒言罔極交亂四國

史記滑稽傳詩云讒言罔極交亂四國

漢書武五子傳詩曰讒言罔極交亂四國

案論衡言毒篇引詩文同毛詩作讒人與諸所引異

賓之初筵

肴覯惟旅○文選典引蔡邕注肴覯食也肉曰肴骨曰覯

詩曰肴覯惟旅

肴核維旅○毛詩釋文殺核作肴核

案後漢書李固傳注引詩亦作肴核維旅

舉酬逸逸○詩經考文古本酬作酬

發彼有勺○毛詩釋文有勺音的本亦作的同

案的字从勺本有勺音或卽消借作勺潘岳芙蓉賦
以的與爚韻可證也

以祈有爵○禮記射義詩曰發彼有的以祈爾爵注云爾
或有

賓載手酌○毛詩箋仇讀曰酌賓手挹酒

案毛傳訓仇爲匹鄭箋讀仇爲酌與毛義異禮記釋
文引何氏隱義云酌容四升則挹酒之器亦可曰酌
詳見鄭箋改字說

威儀𠵽𠵽○毛詩釋文反反如字重慎也韓詩作𠵽𠵽音

蒲板反善貌

婁舞僊僊○毛詩釋文屢本作婁

屢舞遷遷○文選蜀都賦劉逵注詩曰屢舞遷遷

案僊遷義通劉熙釋名云僊遷也

威儀𠵽𠵽○說文人部𠵽威儀也从人必聲詩曰威儀𠵽

𠵽

案毛詩作𠵽𠵽傳云𠵽𠵽媒嬖也釋文云𠵽說文作

𠵽段玉裁曰說文𠵽下常有威儀媒嬖也此奪媒嬖

二字

仄弁之俄○說文人部俄行頃也从人我聲詩曰仄弁之
俄

〔案〕仄弁毛詩作側弁仄側古書通用如曰舛儀禮既
夕記作日側赤仄史記平準書作赤側是也

側弁峨峨屢僂僂僂○太平御覽六百八十六詩曰側弁
峨峨屢僂僂僂

屢舞斐斐○說文女部斐婦人小物也从女此聲詩曰屢
舞斐斐

〔案〕說文人部僂醉舞貌从人差聲詩曰屢舞僂僂引
詩與毛氏文同是斐僂二字許君兼採今文古文也

三
二
慝勿從謂○毛詩箋式讀曰慝

案釋文式毛如字又云用也鄭讀作慝惡也正義云式毛不爲傳王肅云用其醉時勿從而謂之傳意當然也據正義語則釋文又云用也卽王肅義喬樅謂式字疑武之譌武慝古通用說見鄭箋改字說

無俾太忘○詩經考文古本大作太

魚藻

有賁其首○爾雅釋詁賁大也樊光注詩云有賁其首

案賁毛詩作頒傳云頒大首貌釋文引韓詩云眾貌攷玉篇頒下引詩有頒其首頒大首貌一云眾也此

兼採毛韓二義馬瑞辰曰韓詩訓頒爲眾蓋讀頒如

紛紜之紛說詳韓魯詩攷

愷樂飲酒○毛詩釋文豈本亦作愷下同

初學記二十六詩曰王在在鎬愷樂飲酒

案說文繫傳錯引詩文同

凱樂飲酒○白帖三十六詩曰凱樂飲酒

有鯈其尾○廣韻十九臻鯈魚尾長也詩云有莘其尾宇

書从魚

飲酒樂凱○文選注二十詩曰飲酒樂凱

顏延年應詔譙曲本作詩

采叔○毛詩釋文枝本亦作叔

何錫與之雖無與之 又何與之○白虎通考黜篇詩曰
君子來朝何錫與之雖無與之路車乘馬又何與之元
衮及黼

案後漢書東平憲王傳注引詩亦作何錫與之與白
虎通同毛詩與皆作予

雖无與之○季氏易傳侯果注詩曰雖无與之

畢沸濫泉○說文水部濫汜也从水監聲一曰濡上及下
也詩曰畢沸濫泉一曰清也

案說文沸下云畢沸濫泉从水弗聲徐鍇說文繫傳
兩引詩皆作湍沸檻泉王氏詩攷載說文作臙沸濫

泉盧文弨曰說文有𦍋無𦍋所引恐誤𦍋從謂說文當作玉篇伯厚甫蓋偶誤記耳

𦍋沸濫泉○玉篇角部𦍋沸濫泉或作𦍋

君子所誠○晏子春秋諫上詩曰載駉載駟君子所誠

案誠毛詩作屆箋云屆極也與此文義並異

赤紼在股○白虎通紼冕篇詩曰赤紼在股謂諸侯也

匪交匪紆○荀子勸學篇詩曰匪交匪紆天子所予

案盧文弨云宋本荀子紆作舒

彼交匪舒○韓詩外傳曰詩曰彼交匪舒天子所予

案毛詩作彼交匪紆傳云紆緩也與韓文異義同

樂旨君子殿天子之邦樂旨君子福祿攸同便蕃左右亦是帥從○左氏襄十一年傳詩曰樂旨君子殿天子之邦樂旨君子福祿攸同便蕃左右亦是帥從

案毛詩樂旨作樂只福祿作萬福便蕃作平平帥從作率從與左氏所引文皆小異

便便左右○毛詩釋文平平韓詩作便便云閑雅之貌

案平便古以音近通轉說詳韓詩攷

泛泛楊舟○白帖十一詩泛泛楊舟緇緇維之

緇緇維之○爾雅釋水緇緇維之緇緇也緇緇也

初學記二十五詩曰汎汎楊舟緇緇維之

〔案〕漢書賈誼傳注引詩文同毛詩泛作汎綱作纏釋文引韓詩云纏竿也說詳韓詩攷

天子揆之○爾雅釋言注詩曰天子揆之

〔案〕臧庸云宋本爾雅注同毛詩作葵之

福祿毗之○毛詩釋文脫韓詩作毗毗厚也

〔案〕說文脫或从比作毗是脫毗字同說詳韓詩攷

優哉柔哉○韓詩外傳八詩曰優哉柔哉亦是戾矣

〔案〕外傳四引詩仍作優哉游哉與毛詩文同

優哉游哉聊以卒歲○左氏襄二十一年傳詩曰優哉游

哉聊以卒歲杜預注云詩小雅

案左傳正義云詩亦是戾矣與此不同者蓋師讀有
異陳樹華曰潘岳秋興賦用此李善注引家語孔子
歌爲證史記孔子世家優哉上多蓋字聊作雜疑二
語是逸詩故李善引家語而不引小雅杜注恐非孔
疏失之陳說是也此詩正義云襄十一年左傳引詩
下句與此不同則所引逸亡此非也是詩疏不謂聊
以卒歲爲師讀之異矣

角弓

解解角弓○說文角部解用角低仰便也从羊牛角詩曰
解解角弓

案毛詩釋文辟息營反說文作弼音火全反盧文昭曰說文弼雖云角弓而鮮字則引此詩尤切矣

扁其反矣○羅泌路史國名記嗣其作扁其

兄弟婚姻○藝文聚類三十詩曰兄弟婚姻無胥遠矣

案太平御覽五百十四引詩同考文云古本昏作婚

民胥效矣○左氏昭六年傳詩曰爾之教矣民胥效矣

蔡邕集陳仲弓碑民胥效矣

民斯效矣○潛夫論班祿篇詩云爾之教矣民斯效矣

白虎通三教篇教者效也詩云爾之教矣欲民斯效

案毛詩斯作胥效作倣

人而無良○說苑建本篇詩云人而無良相怨一方

人之無良○後漢書章帝紀人之無良相怨一方

案毛詩作民之無良韓詩外傳引詩同

受祿不讓○晉書劉寔崇讓論詩曰受祿不讓至于已斯
亡

案祿毛詩作爵禮記坊記荀子儒效篇引詩並作爵
如食儀饌○毛詩釋文宜如字本作儀注同韓詩云儀我
也

案宜儀古書通用說見韓詩攷

如食宜饌○說文繫傳詩曰如食宜饌

案毛傳餽飽也廣韻飫飽厭也飫卽饌之省文說文饌燕食也集韻饌或作餽

雨雪庶庶見晁聿消○漢書劉向傳詩曰雨雪庶庶見晁聿消

晁聿消○毛詩釋文見如字下文同韓詩作晁音於見反云晁晁日出也晁乃見反曰音越下同韓詩作聿

案王氏詩攷載釋文引韓詩作晁晁今本釋文作晁見誤也宜從詩攷引訂正

晏然聿消莫肯下隧式居屢驕○荀子非相篇詩曰雨雪漙漙晏然聿消莫肯下隧式居屢驕

案段玉裁云宴然卽嘒嘒廣雅釋詁嘒嘒煥也玉篇
廣韻皆云嘒嘒二形同隄毛詩作遺屢毛詩作婁皆
古今文之異說詳魯詩攷

莫肯下隨式居婁○毛詩箋遺讀曰隨婁斂也

案釋文云遺王申毛如字鄭讀曰隨婁王力住反斂
也徐云鄭音樓斂也爾雅云良鳩樓聚也正義曰釋
詁婁聚斂也俱訓爲聚則義得通故云婁斂也

莫肯下隄○文選歎逝賦注薛君韓詩章句曰隄猶遺也

案隄遺隄隄古皆以聲近通說詳韓魯詩攷

苑柳

有苑者柳○白帖一百詩曰有苑者柳不尙息焉苑盛貌
言人息其陰

上帝甚悼○毛詩箋蹈讀曰悼

案毛傳蹈動也釋文云蹈音悼鄭作悼病也段玉裁
曰檜風傳悼動也此云蹈動也則是一字箋申傳非
易傳也詳見鄭箋改字說

上帝甚陶○眾經音義五詩云上帝甚陶陶變也

案此亦三家詩之異文陶與蹈聲近變與動義通

卑予靖之○毛詩釋文俾必爾反本作卑後皆同

後予極焉○毛詩箋極誅也

案毛傳極至也釋文云極毛如字鄭音棘是鄭讀極爲殛也

上天甚神無自療也○戰國策楚策荀卿書詩曰上天甚神無自療也

上帝甚愾○韓詩外傳四詩曰上帝甚愾無自療焉

案韓詩外傳引孫子書作愾與楚策文異王氏念孫以爲神者愾字之壞蓋傳寫之誤不若愾蹈陶古同聲得通其義與毛傳訓動同也說詳韓詩攷

無自療焉○毛詩箋療接也

案毛傳療病也釋文云療側界反鄭音際是鄭以療

爲際之假借故訓爲接也

小雅都人士之什

狐裘黃裳 萬民之望○賈子新書等齊篇狐裘黃裳萬民之望

案都人士首章禮記緇衣全引鄭注云毛詩有之三家則亾又左傳襄十四年引行歸于周萬民所望服虔注曰逸詩也此詩正義曰今韓詩實無此首章時三家列於官學毛詩不得立故服以爲逸然則賈子新書或卽川禮記緇衣語或據古書所引此詩異文均未可知也

狐裘橫橫○禮記緇衣釋文黃黃徐本作橫橫

葦笠緇撮○毛詩釋文臺如字爾雅作葦草名

我弗見兮○毛詩釋文第二章作不見後三章作弗見一

本四章同作不字

謂之尹姑○毛詩箋吉讀作姑

案毛詩尹吉正義引王肅云正而吉也王義與鄭異

我心苑結○毛詩釋文苑徐音鬱又於阮反

案正義本作苑詩經考文云古本苑作苑從釋文也

垂帶而裂○毛詩箋厲字當作裂

垂帶而厲○毛詩釋文帶音帶本亦作帶

垂帶如厲○禮記內則注詩云垂帶如厲

垂帶若厲○淮南汜論訓注詩曰垂帶若厲

案毛詩箋云而亦如也是而如若三者並通厲裂古者聲同故假借用之詳見鄭箋改字說

采綠

終朝采芣○楚詞注一芣王芻也詩曰終朝采芣

不盈一掬○文選注十七詩曰不盈一掬

陸士衡文賦

案文選注三十引詩文同詩經考文云古本掬作掬

終朝採藍○藝文類聚八十一詩曰終朝采藍

六日不贍○詩經考文古本詹作贍

言嘯其弓○毛詩釋文載本亦作嘯

案豳報古以音同通假詩鄭風抑豳弓忌正作豳字
薄言觀者○毛詩釋文觀韓詩作觀

案毛傳觀多也一本作觀觀也疑卽後人用韓詩改
之觀義亦得訓多說詳韓詩攷

黍苗

列列征師○左傳襄廿七年注詩曰列列征師召伯成之
案毛詩作烈烈此列卽烈之消借

隰桑

其葉有飴○事類賦廿五詩曰隰桑有阿其葉有飴

案太平御覽五十七引詩文同詩經考文云古本難

作儼釋文難音乃多反讀從儼也

瑕不謂矣中心藏之○禮記表記詩曰心乎愛矣瑕不謂矣中心藏之何日忘之注云瑕之言胡也謂猶告也

案瑕毛詩作遐箋云遐遠也義與禮記注異

忠心藏之○古文孝經詩曰忠心藏之何日忘之

案孝經釋文云中心藏之本亦作忠盧文昭曰古文孝經孔氏傳作忠心藏之傳曰君子忠心實善則何日豈忘謂其上乎又考文云古本作中心藏之喬樅攷毛詩正義本作藏釋文本作臧王肅述毛亦爲藏字故陸音義云鄭子郎反善也王才郎反

白華

泱泱白雲○毛詩釋文英英如宇韓詩作泱泱

英英白露霑彼菅茅○白帖二英英白露霑彼菅茅

案白帖雲下引詩仍作英英白露霑彼菅茅露下所

引詩蓋兼採異文或傳寫字譌耳

滹沱北流○說文水部滹水流貌从水彪省聲詩曰滹沱北流

案許君云滹从彪省聲則字當作滹今詩作滹非又

大徐解字注云沱沼之沱通用沱字今別作池非是

寢彼稻田○毛詩釋文浸亦作寢

歎歌傷懷○毛詩釋文歎音嘯本亦作嘯

案孔正義本作嘯

鐘鼓于宮○韓詩外傳四詩曰鐘鼓于宮聲聞于外

案外傳七引詩仍作鼓鐘元稹本外傳作鐘鼓非是
念子惓惓視我忼忼○毛詩釋文惓惓七感反說文七倒
反云愁不申也亦作慘慘邁邁如字不說也韓詩及說
文並作忼忼韓詩云意不說好也許云很怒也

說文心部惓惓不安也从心臬聲詩曰念子惓惓忼忼
怒也从心市聲詩曰視我忼忼

案此與陸氏釋文所引微異毛詩邁邁傳訓不說也

卽怖怖之假借故字異而訓義同

俾我底兮○唐石經底作底

案毛詩釋文底都禮反又祁支反病也阮氏校勘記云唐石經作底是也

緝蠻

緝蠻黃鳥○禮記大學詩云緝蠻黃鳥止于丘隅

案緝緝一聲之轉古得通假

瓠葉

番番瓠葉○毛詩關雎正義瓠葉拾番番之狀

案詩幡幡孔氏引作番番蓋幡之消借字

采之烹之○詩經考文古本作烹

有菟斯首○毛詩箋斯白也今俗語斯白之字作鮮齊魯之閒聲近斯

案正義引服虔左傳注以于思爲白頭貌蓋亦以思聲近鮮故爲白頭也詳見鄭箋改字說

有菟斯首○後漢書劉昆傳以射菟首注射則歌菟首之詩以爲節也

魚之燔之○毛詩釋文炮本作魚

酌言酬之○白帖十五詩酌言酬之

漸漸之石

嶄嶄之石○毛詩釋文嶄嶄山石高峻也亦作嶄嶄下同
嶄嶄之石○說文繫傳詩曰嶄嶄之石

維其勞矣○毛詩釋文勞如字孫毓云鄭音遼

案箋云邦域又勞勞廣闊是以勞爲遼之假借

不遑朝矣○詩經考文古本皇作遑下同

案盧文弨云唐石經及宋本三章俱作不皇今本作

不遑者誤

維其卒矣○毛詩箋卒者催遄也謂山巔之末也

案毛傳卒竟也釋文云卒毛予卹反鄭在律反正義
曰箋讀卒爲萃釋山云萃者厯屢雖音義小異是取

爾雅爲說也

有豕白蹄○晉書吐谷渾傳有豕白蹄

〔案〕毛傳蹢躅也蹄說文作蹢玉篇蹢同蹢

月麗于畢○論衡說日篇詩日月麗于畢俾滂沱矣

淮南原道訓雨師畢星也月麗于畢俾滂沱矣

〔案〕論衡明零篇引詩仍作離與毛詩文同高誘呂覽

孟秋紀注引詩皆作麗字

比滂沱矣○論衡明零篇詩日月離于畢比滂沱矣

〔案〕藝文類聚二引詩作俾滂沱矣初學記二引詩同

俾滂沱矣○白帖一月離于畢俾滂沱矣

案白帖月下引詩如此星下雨下引仍作滂沱

不皇它矣○毛詩釋文它音他

案孔氏正義本作他

舊之畢

不如毋生○詩經考文古本無作毋

羴羊羴首○焦氏易林中孚之訟羴羊羴首君子不飽

案白帖九十六引詩羴羊羴首與易林合又太平御

覽八百三十四引詩文同毛詩羴作羴古文段借也

羴羊羴首○說文繫傳頁部類大首也錯曰按詩曰羴羊

類首作墳

〔案〕據此則類字亦三家詩之異文類訓大首讀音常與有頌其首之頌同

牂羊黃首三星在雷○〔初學記〕二十九詩曰牂羊黃首三星在雷

〔案〕太平御覽九百二引詩亦作牂羊黃首事類賦二十二引作牂羊黃首又案毛詩釋文畧音柳本又作雷然據毛傳訓雷爲曲梁寡婦之笱也則經文自是畧字白帖一引詩三星在雷太平御覽事類賦引詩同疑皆本於韓詩也

何草不黃

何人不鰥○王氏詩攷引董氏云韓詩作何人不鰥

〔案〕詩經考文云古本矜作鰥

獨爲匪人○後漢書張奐傳俱生聖世獨爲匪人注詩小雅曰哀我征夫獨爲匪人也

〔案〕毛詩作匪民